



सानसेयारि 'बड'सा' खरौरांलाइयाव सनज्यायि जिज्जो लोब्बा थानाय रायथाय, सन्थाय, सल', सल'बाथा आरु दावबायायि थावनि, पार्क बाइदिनि स्यायाव लिन्नाय लिन्नायि दैशाय ठरु। सानसेयारि 'बड'सा' खरौरांलाइया खेबखानानै फोसावगोन।

बड'सायाव लिन्नायानि हुबा खालाम, 'बड'सा' खरौ नोथां, जौ बयबो आंगो खालाम।

सानसेयारि बड'सा मावखुनि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 20 March, 2024 Kokrajhar, BTC, Assam ★ Vol.- 33, Issue No. 351 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs./-

पहुमरा दैसायाव साथाम गथ'साफोर गब'दौं



भवानिपुर, 19 मार्च: भवानिपुर पुलिस थानानि सिखव थानाय धुमारकुरनि खाथि कुर'बाहा फोथार गामियाव आरु पातला फोथार गामियाव आलादा-आलादायै सानै हिन्जावसा आरु सासे गथ'साआ पहुमरा दैसायाव गब'नाय (□ 5 बिलाइआव)

कंग्रेसआ गोरोन्थियै देरहायोब्लाबो बिबान एंगारानाँ बिजेपियाव हाबफैगोन: हिमन्त बिश्व शर्मा

गुवाहाटी, 19 मार्च: आसामनि गिबि मन्थि उ हिमन्त बिश्व शर्माआ दिने मोनसे मेलयाव बाहगो लानानै बुडोदि, हादतनि गिदिर आरु गोजामसिन दोलो कंग्रेसनो भट होनानै जेबो मुलाम्फा जानाय नड। मानोना जायफोर देरहालांगोन बिसोरखो उन समाव बिजेपियाव हाबफैफिनगोन। करिमगन्ज जिल्ला बिजेपि मावखुलियाव दोलोनि मावफारियाफोरजो जथुमनानै सावरायनाय समाव



बिथाडा बे बाथ्राखौ बुडो। राइज्योयाव बिसायख'थि फोसावदिनायखौ जागायबाय होनानै उ शर्माआ बुडोदि, (□ 5 बिलाइआव)

कक्राझार लक सभा बियाबाव एनडिएनि बिजाथिआ 2 लाखनिबो बांसिन भटआव देरहागोन: भवेश कलिता

कक्राझार, 19 मार्च: कक्राझार लक सभा बियाबाव जेरैखि जाया एनडिएनि दखलाव लाबोनो थाखाय मैया कक्राझार सहरनि बड'फा नोगोराव बिजेपि, इडपिपिएल आरु एजिपि जुथाय हान्जा एबा एनडिएनि दैदेनगिरि आफादिनि मावखुलि बेखेवनायनि उनाव दिने बे मावखुलियाव बिजेपिनि राइज्योआरि आफादिगिरि भवेश कलिताआ दावबायफै यो। एनडिएनि बे दैदेनगिरि (□ 5 बिलाइआव)



आसाम जुडिसियेल सार्भिसयाव उथिसार जानाय नेलसन बर'खौ दुलाराय बर' फरायसा आफादआ बरायदौं



बेकिजाजुलि, 19 मार्च: आसाम जुडिसियेल सार्भिसयाव उथिसार जानाय नेलसन बर'खौ दिने दुलाराय बर' फरायसा आफादआ बरायदौं। बर' (□ 5 बिलाइआव)

खामानि मावबोनायजो लोगोसे नो थुलुंगाखाडारि हाबाफारि लाबोनायखौ नुनो मोनबोदौं। लोगोसे आसाम सरकार निमिसमबो आसाम जुडिसियेल सार्भिसनि आन्जादखौ बर' रावजो नो लिरो मोननांगोन थाखायबो थानाय गोलाउ बोसोरनिफ्रायनो दाबि दैखोबाय थानायखौ नुनो मोनबोदौं। बेखौनो दिने दुलाराय बर' फरायसा आफादिनि आफादिगिरि दिपेन बर' आरु एबसुआ सम-सम गोबां (□ 5 बिलाइआव)

6थि गुरुदेब कालिचरण ब्रह्म बान्था-2024 खौ उत्तम तेरननो होगोन



कक्राझार, 19 मार्च: गुरुदेब कालिचरण ब्रह्म ट्रस्टआ सिगां बोसोरफोगव होबोनाय बायदिनो बे बोसोरावबो 6थि गुरुदेब कालिचरणब्रह्म बान्था-2024 खौ होनो थाखाय थांखि लादौं। बे बोसोरनि एबा 6थि गुरुदेब कालिचरण ब्रह्म बान्था-2024 खौ परिजत एकाडेमि, गुवाहाटीनि गायसनगिरि मुस्लि उत्तम तेरननो होनो थाखाय थि खालामनाय जाबाय। गोर्नाथि (□ 5 बिलाइआव)

जानाय गथ'फोरनि मोन्थायनि थाखाय गोखौ खामानि मावनाय, सुबुं समाजनि थाखाय गोखौ सिबिथाइ आरु समाजनि मुलाम्फानि थाखाय गोखोडै खामानि मावनायखौ बिथा खालामनानै बे खेबआव गुरुदेब कालिचरण ब्रह्म ट्रस्टआ 6थि गुरुदेब कालिचरण ब्रह्म बान्थाखौ मुस्लि उत्तम तेरननो गथायनो थाखाय थि खालामनाय जादौं। थानाय 17 मार्च, 2024, इ अक्टखालि जुरिबर्दिनि मोनसे मेल जथुमनायनि गेजेरजो बे थांखिखौ लानाय जादौं। दिने (□ 5 बिलाइआव)

फैगौ लकसभा बिसायख'थियाव बिटिआरनि दरनै बियाबआव बिपिएफनो एआइइउडिएफनिफ्राय मदत



गुवाहाटी, 19 मार्च: नैथि आरु थामथि खोलोबयाव खुंजानो गोनां बिटिआरनि दरनै बियाब कक्राझार आरु दर-उदालगुरि बियाबआव मौलाना बदरुद्दिन आजमलनि एआइइउडिएफआ मदत होनो हागौ होनानै मिबथिनो मोननाय जादौं। बिसायख'थि अक्ट फोसावनायनि उनावनो जुथाय हान्जा आरु बेरेखा हान्जानिफ्राय समानैनो बिजाथि सायख'नानै (□ 5 बिलाइआव)

राइज्योआरि थाखोनि हारिमु बादायलायनायाव देरहानानै हारि आरु ओन्सोलनि थाखाय गोग्गानाय लाबोदौं लोरगि थियेटार गुपआ

कक्राझार, 19 मार्च: राइज्योआरि थाखोनि हारिमु बादायलायनायाव देरहानानै हारि आरु ओन्सोलनि थाखाय गोग्गानाय लाबोदौं कक्राझारनि लोरगि थियेटार गुपआ। दिने मोसाखावरि हान्जाखौ दुंबुदयै बरायदौं लोरगि थियेटार गुपआ। आसाम सरकारजो खुंजानाय राइज्योआरि थाखोनि हारिमु (□ 5 बिलाइआव)



बादायलायनायाव नैथि बान्था आवग्रिनो हादौं कक्राझारनि लोरगि थियेटार गुप मोसाखावरि हान्जाया। आसाम सरकारनि हारिमु बिफाननि बान्जायनायाव भिसिडिसि थाखो, जिल्ला थाखो, बिधान सभा थाखो आरु राइज्योआरि थाखोनि आसाम हारिमुवारि जांखिथाइमा हारिमु बादायलायनायाव बान्था आवग्रिनो हादौं कक्राझारनि लोरगि थियेटार गुपनि (□ 5 बिलाइआव)

दर-उदालगुरि बियाबनि कबिरालिआव बिपिएफ दोलोनि जगदान हाबाफारि

कलाइगाव, 19 मार्च: उदालगुरि जिल्लानि दर-उदालगुरि लक सभा बियाबनि कबिरालिआव मैया बिपिएफ दोलोनि मोनसे गेदेथार जगदान हाबाफारि खुंनाय जायो। बे मेलाव बारग' मन्थि रिहन दैमारीआ बाहगो लानानै बिजेपि दोलोनि एमपि दिलिप शइकियाखौ गोखौ रावजो (□ 5 बिलाइआव)



लकसभा बिसायख'थि 2024 : फोसावजानाय बिफानफोरनि मावफारियाफोराल' पस्टेल बेलटजो भट होनो मोनगोन: बिसायख'थि आयग



गोदान दिल्ली, 19 मार्च: बिसायख'थि खुंनायाव पस्टेल बेलटनि गेजेरजो भट होनायाव गोबां समावनो बेले-बेजे नुजाबाय थानायखौ नोजोर (□ 5 बिलाइआव)

सासे नडेल मावख'गिरि थिसन्तो बिथोन हदौं आयगआ। बिसायख'थि समाव गोनांथार सिबिथाय महरे फोसावजानाय बिफानफोरनि मावफारियाफोर बे खेबनि बिसायख'थियाव पस्टेल बेलटनि गेजेरजो भट होनायनि खाबु मोनसिगोन। बिसायख'थि आयगजो फोसावजानाय फोसावथायाव बुंनाय जादौंदि, गासैबो राइजो-राजा आरु खुंथायनि आवथायाव थानाय गोनांथार सिबिथाय होग्रा (□ 5 बिलाइआव)

गसाइगावआव तृनमुल कंग्रेसनि बिजाथि गौरि शंकर शरनियाआ दोलोनि मावथिफोरजो मेल जथुमदौं



गसाइगाव, 19 मार्च: फोसावनाय उनावनो बिसायख'थि आयगआ खुंनो गोनां लक सभा बिसायख'थिनि अक्ट' साखा-फारा खालामगसिनो। (□ 5 बिलाइआव)

जर'खायै बायनिखुइबो नोजोर बोथावना जादौं बिटिसिनि 1 नं कक्राझार एसटि लक सभा बियाबआ। बियाबनिफ्राय एमपि महरे खेबनै देरहानो हानाय नब' कुमार शरनिया, एनडिएनि बिजाथि जयन्त बसुमतारि आरु बिपिएफनि बिजाथि खाम्फा बरगारीआ देरहानायखौ रोखा खालामनो फोसावदिनाय हाबाफारिखौ गोखौ खालामनाय (□ 5 बिलाइआव)

बिजनीआव मा जिब्रै सन्देह गोनां मोसौ हमनो मोन्दौं



बिजनी, 19 मार्च: चिरानि बिजनी झारबिशपानियाव गंनै टाटा पिक-आप कारजो लोगोसे मा 14 सन्देह गोनां मोसौ हमनो मोन्दौं। 15नं बेटेलियन एसएसबि बिष्णुपुर बिअपिनि हान्जाया मोनसे जर'खा सिप्रोमनायाव मोसौफोरखौ हमनो मोननाय जादौं। गुबुन फारसेथि गंसे नम्बर गैयै (□ 5 बिलाइआव)

कंग्रेसनि इस्टाहाराव मोन 25 गेरेन्टि, बिजेपिखौ इन्डिया साइनि गोसोखां होनानै फोसावलाइखौ फोसावबाय

गोदान दिल्ली, 19 मार्च: फैगौ लकसभा बिसायख'थिखौ लानानै कंग्रेसनि आफादिगिरि मल्लिकार्जुन खड्गेआ दाबि खालामदौंदि, हादतनि नौनारिफोरा सोलायनायखौ लुबैदौं। गाहाइ मन्थि नरेन्द्र मदिनि सरकारआ होनाय गेरेन्टिखौ बिथाडा 2004 (□ 5 बिलाइआव)



गोदान दिल्ली, 19 मार्च: मिरुनि आइजो आरु लाइमोन अन्साय बिफाननि मन्थि स्मृति इरानीआ दिने मंगलबारखालि राइजि इन्डिया 2024 आव बाहगो लाहैनानै कंग्रेस दोलोनि दैदेनगिरि रहल गान्धीखौ गोखौ रावजो सोंखारियो। मुस्लिमा इरानीआ इभिएमनि सायाव सन्देह खालामनाय आयदानि बाँगे बुडोदि, गोलाव सम खुंथाय गोहोयाव थानानै फैनायनि उनावबो कंग्रेस दोलोआ गावसोरनि गोखौ खरं रायबरेलि आरु आमेटि बियाबनि राइजो-राजा सुबुंफोरनो खिख'रसालि (□ 5 बिलाइआव)

जेरैपाराआव सान 5 नि हाबाफारिजो दौल फोर्बो खुंनो साखा-फारा खालामगसिनो

भवानिपुर, 19 मार्च: सालबारि महकुमानि जेरैपारा गामिनि नाम न'आव फैगौ 24 मार्चनिफ्राय 28 मार्चसिम सान 5 नि मेहेर गोनां हाबाफारिजो श्रीकृष्णनि दौल फोर्बो खुंनो साखा-फारा खालामदौं। सान 5 नि मेहेर गोनां हाबाफारियाव 24 मार्चखालि फुनि 9 रिगायाव बिफां फुलि गायनाय जागोन। मोनाबिलिनि 7 रिगायाव दौलनि गन्ध जात्रा आरु गसाइ दौलआव गायसनाय (□ 5 बिलाइआव)

जागोन। 8 रिगानिफ्राय भक्तफोरनि हर्नलि किर्तन आरु 9 रिगायाव फटका बेरफुनानै दिन्थिफुंनय जागोन। 25 मार्चखालि सानजौफु याव आइजोफोरनि दै खावनाय फोर्बो, यज्ञ आहुति, भक्तनि नाम आर'ज, सतेन्द्र बर्मन गोसोखां सोंगाव बादायलायनाय खुंनाय जागोन। हरनि समाव रुपज्यति फावथिना समाजआ नायजाव दिन्थिफुंनो। 26 (□ 5 बिलाइआव)

सुजुगिरिनि खोलोम



बिसायख 'थिनि फोसावथाय

फैयै फैयै नेनानै थानाय लकसभा बिसायख 'थिनि अक्टखौं फोसावनानै होबाय बिसायख 'थि बिफानारिआ। बिसायख 'थि अक्ट फोसावनानयनि उनिफ्रायनो हादतनाडै मोनसे फोबोयारि महर लानायखौबो नुनो मोन्नाय जादों। लोगोसे गाबोननि गेजेराव बिसायख 'थिनि गेजेट नटिफिकेसनबो फोसावनानयनि बाश्रा। बेजों लोगोसे 27 मार्चनि गेजेराव बिजाथिफोरनि नमिनेसन लाइ एबा बिजाथि लाइ गथायनायजों लोगोसे फारियै बिजाथि लाइ बिजिनरनाय एबा स्कुटिनि आरो 30 मार्चनि गेजेराव नमिनेसन लाइ बोखानानै लानायनि जोबथा अक्ट फोसावनानयबो नुनो मोन्नाय जादों। बेजों लोगोसेनो राजखान्थि दोलोफोराबो बिसायख 'थि दावहायाव ओंखारनायनि साखा-फारा जानानै बिजाथि सायख 'नानै सोर बिजाथिया बे बियाबआव बादायगोन बेनिबो रोखाथि खालामनाय नुनो मोन्नाय जाबाय। दासिम बिसायख 'थियाव साबेसे बिजाथि आरो बबे बबे दोलोनिक्राय बादायनो ओंखारदों बेनि सावगारिखौ रोखा नुनो मोन्नाय जायाखै कक्राझार (एसटि) लकसभा बियाबआव।

नोजोराव गोग्लैनाय बादियै कक्राझार (एसटि) लकसभा बियाबआव एनडिएनि लोगो दोलो इडपिपिएल, कंग्रेस, बिपिएफ आरो आथिखालनि सिटि एमपिखौ लानानै मोनब्रै दोलोनिक्राय बादायगोनखौ रोखा नुह्रनाय जादों। समआ गोलाव दंबावोलाय उन समफोराव दोलो गैयै उदां बिजाथिफोरनि बाहागो लागोनखौबो हिसाबनि बाइजोयाव दोनजाया। थासारिया गोजोन फारसै फेफिनो लानायव दोलो गैयै उदां बिजाथिफोरनि बाहागो लागोना गोबां होंगो-दोंगो जानो हागौ होन्नानै सान्नाय सौफेदों सुबुफोरनि गेजेराव। बे बिथिडै बियाबआव गोबां ख'नायारि बादायलायनाय फेनो हागौ होन्नानैबो सानो हायो। गोदानै दाफामफिन्याय आथिखालनि 1 नं कक्राझार (एसटि) बियाबआव बर' ट्राइबेलफोरनि थाखाय मान गोनां आरो मख 'जाथावना बियाब। बेयो मोन 9 एसेमब्लि बियाबजों दाफुं जानाय। बेफोर बियाबफोर बिटिआरनि दरथाम जिल्ला फारियै कक्राझार, चिरां आरो बाक्सा जिल्लानि सिडाव थानाय बियाबफोर। बेनि गेजेराव कक्राझार जिल्लानि 1 नं. गसाइगाव, 2 नं. दतमा (एसटि), 3 नं. कक्राझार (एसटि), 4 नं. बाउचुंग्रि, 5 नं. पर्वतझरा, चिरां जिल्लानि 19 नं. चिदली-चिरां (एसटि), 20 नं. बिजनी, बाक्सा जिल्लानि 41 नं. मानास आरो 42 नं. बाक्सा (एसटि)खौ लानानै दाफुनाय। बेनि सिगां 5 नं. कक्राझार (एसटि) बियाब महरै दाजानाय बे बियाबखौ गसाइगाव, सोनाब कक्राझार (एसटि), सान्जा कक्राझार (एसटि), चिदली (एसटि), बिजनी, सरभग, भवानिपुर, तामुलपुर, बरमा (एसटि) आरो सापागुरि (एसटि)गारसै मोन 10 बियाबजों दाजानायमोन। नुनो मोन्नायाव बाइजोनि मोन्ने बियाबखौ दानख 'नानै बियाब दाफिनायाव फिसासिन जानायखौ नुनो मोन्नाय जादों। बियाबनिक्राय बेसेबां बिजाथिफोरा बिसायख 'थि फोथाराव ओंखारगोन बेखौ फैगौ मसफोरावसो नुनो मोन्नाय जागोन।

सुप्रिम कर्टआव दिनै सिएएनि हेंथायै थिसन्नाय 200 निबो बांसिन अजदलाइफोरनि सायाव हियारि जागोन

गोदान दिल्ली, 19 मार्च: सुप्रिम कर्टआव दिनै नोगोरारि सोदांनय आइनि हेंथायै थिसन्नाय अजदलाइफोरनि सायाव हियारि जागोन। सिएएनि हेंथायै 200 निबो बांसिन अजदलाइफोर थिसन्दों। गाहाइ बिजिरगिरि डि वाइ चन्द्रचुड, बिजिरगिरि जेबि पारदीवाला आरो मनज मिश्रनि देदेन्नायाव साथाम बिजिरगिरिफोरनि पीठआ बे केसनि हियारि खालामगोन। अदेबानि बावैसो सिगां मिरु सरकारआ खौरां फोसावनानै नोगोरारि सोदांनय आइनखौ सोलिहोनो फोसावदोंमोन। आथिखालाव सरकारनि गेजेरजों खौरां फोसावनानयनि उनाव बेखौ लानानै सौथि देखाडो। बेनि उनाव नोगोरारि सोदांनय आइनि नेमखान्थिफोरखौ सोलिहोनायनि सायाव होबथानाय जाबसिन्नाय



होनो दाबि देखानायखौ लानानै सुप्रिम कर्टआव केस थिसनो आरो बेनि हेंथायै 200 निबो बांसिन अजदलाइफोर थिसनो। सुलुनि बादिब्ला, सुप्रिम कर्टआ थानाय सानफोराव नोगोरारि सोदांनय नेमखान्थि 2024 नि सायाव होबथानो दाबि देखानायनि सायाव सावरायनो थाखाय गनायथि फोरमायदोंमोन। थानाय शुकबारखालि सुप्रिम कर्टआ बे केसआव हियारिनि थाखाय 19 मार्चनि अक्टखौ थि खालामदोंमोन। मख 'नो गोनानि, संसदनिक्राय पास जानायनि बोसोरखेनि उनाव सिएएखौ हारदआव फोसावदोंमोन। बे आइनि गेजेरजों फेनाय मुस्लिम नडै रिफिजिफोरनि भारतनि नोगोरारि मोन्नायाव गोलै जागोन। बेयाव हिन्दु, शिख, बौद्ध, जैन, पारसि आरो ख्रिस्टियान रिफिजिफोर दफायो।

पाकिस्तानाव बेसेन बांनया 22 जौखोन्दोजों रेकर्ड खालामदों



इस्लामाबाद, 19 मार्च: पाकिस्तानाव बेसेन बांनयनि थासारिया एरैबायदि, बेवहाय मिरुआरि बेंकआ गोनां थाखोसिम सौहेनाय सुदिनि हारखौ बाइइ खालामनो हायाखै। पाकिस्ताननि मिरुआरि बेंकआ लास्त्रियै 6 थि खेबनि थाखाय गावनि पलिसि जथुमाव गाहाय दाहर होनायनि हारखौ 22 जौखोन्दोनि गोनां थाखोआव सोलायबाय थादों। बे समावनो नसुंसनि हादराव गोदानै सायख 'जानाय सरकार बेलआउट पेकेजनि उनि बाहागोखौ रैखा खालामनो थाखाय हादरगेजेरारि राडरि फुन्जि (आइएमएफ) जों सावरायगासिनो दं। आइएमएफआ दासिमबो थिरांथा लानो हायाखेदि, पाकिस्ताना 1.1 बिलियन डलारनि उनि बाहागोखौ मोनो थाखाय गोनां सर्तफोरखौ आबु खालामदों ना खालामाखै। स्टेट बैंक अफ

पाकिस्तान (एसबिपि) आ गावनि फारियै 6 थि पलिसि जथुमाव गावनि गाहाय पलिसि रेटखौ 22 जौखोन्दोआव दोनबाय थादों। एसबिपिआ मोनसे बिबुथियाव बुंदोंमोनदि, मिरुआरि बेंकनि राडरि खान्थि आफादा (एमपीसी) आथिखालनि रांखान्थियारि जौगानायखौ लोगो हदमदोंमोन आरो नायबिजिरदों। थासारिखौ दोनबाय थानायनि सोमोन्दै एमपीसीआ बुंदोंदि, बेसेन बांनया मख 'जाथावयै गाहायाव फेदोंब्लाबो बेयो दासिमबो जोबोद

गोजौ आरो बेनिखायनो मिरुआरि बेंकआ खेफोदफोरनि फारसे सांग्रां जानानै दं। कमिटिआ बुंदोंदि, खारिया रांखान्थियारि मावफारियाव एसे जौगानायखौ दिन्थियो। जेब्ला हाथायाव जगायनाया गाहाय जायो आरो गोनांथिया गोबां जायो अब्ला बेसेना बाडो। हाथाइनिफ्राय लिक्विडिटीखौ बाइइ खालामनाया बेसेन बांनयाखौ होबथानायनि मोनसे राहा। अदेबानि जुदि सुबुफोरनाव बाहायनो थाखाय उफ्रा रां गैया अब्ला बिसोरो बाइइ

बिजेपिया कर्नाटकआव सिट शेयारिनि फर्मुलाखौ फाइनाल खालामनो हासिगौ!

गोदान दिल्ली, 19 मार्च : लकसभा बिसायख 'थिनि अक्टफोरखौ फोसावखांबाय। बेबायदियाव गारसै पार्टीफोरा गावसोरनि थियारिफोरखौ गोखों खालामदों। बेनि गेजेरजों कर्नाटकआव बिजेपिया दिनै सिट शेयारिनि फर्मुलाखौ फाइनाल खालामनो हागौ। बेराफारसे जेडिएसनि हासन, मान्ड्या आरो कलार सिटनि डिमान्डआव दड। कर्नाटकआव लक सभानि मोन 28 मासिफोर दड। थानाय 2019 नि लक सभा बिसायख 'थियाव बिजेपिनि देदेन्नाय एनडिएआ बेयाव गारसै मोन 26 मासिफोर देरहादोंमोन, जेराव मोन 25 मासिखौ बिजेपियानो देरहादोंमोन। बेराफारसे जेडिएस आरो कंग्रेस जुथाइ दोलोआ गारसै



मोननै मासि मोन्दोंमोन। बे बिसायख 'थियाव जेडिएसआ बिजेपिजों लोगोसे बिसायख 'थि गेलेगासिनो दड। बे खेबआवबो एनडिएआ गावसोरनि साबसिनै देरहानायखौ मिजिथिदों। नाथाय इन्डिया जुथाइ दोलोनिक्राय बिसोर गोखों सेलेन्स मोन्दों। मख 'नो गोनानि, कर्नाटकखौ खोलानि गेट महरै गनायना लानाय जायो। लक सभा बिसायख 'थिफोराव कर्नाटकनि बिफावआ मख 'जाथाव। बियो हादतनि इक 'नमियाव गोबां मख 'जाथाव बिहोमा होयो। आथिखालाव बेयाव कंग्रेसनि खुंथाइ दड। नाथाय बिजेपिया लकसभा बिसायख 'थिफोराव बेयाव देरहानो थाखाय नाजागासिनो दड। बेनि अनगायै बिसायख 'थियाव कर्नाटकआ मोनसे गाहाइ बिफाव लानो हागौ। बेयाव लक सभानि मोन 28 मासिफोर दड। बे मासिफोराव जाय पार्टीआ बांसिन मोन्थाइ मोनगोन बिसोर गोबां भट मोन्नायाव देरहासारनो हागोन।

बलुचिस्तानाव 4.5 रिक्टरनि बांघ्रि मावदो



क्वेता, 19 मार्च: पाकिस्तानाव फिन खेबसेबाव बांघ्रि मावदों। बे खेबाव पाकिस्ताननि बलुचिस्तानाव बांघ्रिखौ मोन्दांथिदों। बलुचिस्ताननि राजथावनि क्वेता, नसकि, सागि, समन, किला आबहुल्लाह, दलबदिन, पिसिन आरो इन्डोनिय गुबुन गुबुन ओन्सोलफोराव बांघ्रिखौ मोन्दांथिदों। रिक्टर स्केलाव बे बांघ्रिनि गोखोंथिखौ 5.4 सुनानै मोन्दों। अदेबानि बे बांघ्रियाव जेबो रोखोमनि ख 'हा जायाखै। बोथोर बिफानआ मिथिहोनाय बायदिब्ला, बांघ्रिनि मिरुआ क्वेतानि 150 किल 'मिटर सा सोनाब फारसै 35 किल 'मिटर हा सिडावमोन। पाकिस्तान बोथोर बिफाननि बायदिब्ला, बे बांघ्रिखौ पाकिस्तान-इरान सिमनाजों नांजाबनाय ओन्सोलफोरावबो मोन्दांथिदों। बेनि सिगां पाकिस्तानाव खेबसेबाव बांघ्रि मावदों, जेराव सुबुफोरनि जिउ गोमायाखेब्लाबो न'-बांफोरा ख 'हा जादोंमोन। मख 'जाथावदि, सानसे सिगां पाकिस्ताननि न'सुंसे हादत आफगानिस्तानाव बांघ्रि मावदोंमोन। बेनि गोखोंथिखौ 4.5 रिक्टर मोन्दोंमोन। आफगानिस्तानाव मावनाय बे बांघ्रिनि गोहोमखौ भारत आरो पाकिस्तानजों लोगोसे ताजाकिस्ताननि माखासे ओन्सोलफोरावबो मोन्दांमोन।

दिनैनि फान्जामुथि

राशि बाइदियै मुंनि गिबि हांखो

मेष : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बुध्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** फालांगि मावनायाव मुलाम्फा आर्जिनानै लानो हागोन। मोजां सान। गोजोन मोनगोन।
- वृष:** माबाफोर खौफोदआव गोग्लैबायनो हागौ। जैरेबो सांग्रां जानानै थानांगोन।
- मिथुन:** देहा-सावस्रिआ लोरबां जालानो हागौ। मावनाय-दानायाव गोसो गैयै जागोन। सांग्राडै था।
- कर्कट:** सोरनिफ्रायबा माबाफोर हेफाजाब मोनो हागौ। गोसोखौ गोजोन मोनगोन। मोजां सान।
- सिंह:** माबाफोर जेनायाव गोग्लैबायनो हागौ। गोसोखौ गोजोन गैयै मोनगोन। गोसोखौ हमथा।
- कन्या:** माबा मोनसे मुवा-बेसाद ख 'हा जानो हागौ। गोसोखौ शान्ति मोन्नाय नड।
- तुला:** फारफोमथिनिफ्रायबो मोजां। शुभ खामानिखौ मावनाय लानो हागोन। सान्नाया जाफुनो हागौ।
- बुध्चक:** गोसोनि सान्नाय-हनाय गोहोआ गोमालांनो हागौ। गोसोखौ सांग्राडै लाखि।
- धनु:** जेखि जाय बेरामआव गोग्लैबायनो हागौ। देहाखौ सांग्राडै लाखि।
- मकर:** सान्नाय थाखिआ फेलें थानो हागौ। गोसोआ बायफलेलानो हागौ। गोसोखौ हमथा।
- कुम्भ:** माबाफोर मुवा-बेसाद गोमाबायनो हागौ। जैरेबो सांग्रां जानांगोन।
- मीन:** बायदिसिना जेनाफोरखौ लानानै जिगा सिनांनो हागौ। गोसोखौ लोरबां लानो नाड।

दिरव्वार जिब्रै खोन्दो

-प्रतिमा नन्दी नार्जारी

लाइसि फिसाइनि फंबाया थामहिनाब बिबोनांआ गांजि खबरखौ मोनहैनाय दिनै उदिस लानो फेदों। बाश्राया नोमरगोनो नंमारा होन्नायै। सिबाय लाइसि बिबोनाडबो सादा-सिदाथार। बिबाजैखौ बहा थांखो मानो थांखो बेनावबो सौथि जाखारदों। सानथामसो जाबाय दाबो जेबो खबर मोन्नाय जायाखै। फिसाइ जावलिआखौ बिदि गालानानै मात्रै बिदि थानो हाखो बेलाइ ? सानना नायोब्ला सोमोनांथाव बाश्रा। नंखायनो नख 'रनि मानसिफोरा साननो गोनां जादों सोरबाफोरसो हमा लांबाय नामा ? बहाबा फानेला बायबाय नामा ? ना दिखार नांनानै लड दैमाफोरावसो बारसोमना थैवाय नामा ? रावबो खिन्धा रोड थारै मा जामारखो ? बहा थांखो बहा गोमामारदों। न 'नि जाथि खुरमाफोरा आन्द्याननैसो थाजोबबाय। मा जाथाय जामारखो लाइसिया। बिदिनो बयबो सावरायनायल 'सै। सानबे बारलांब्ला बेवाय जानाया थानायाव एफआइआर हैदोंमोन। बेनिफ्राय पुलिसफोरा नागिरनो जुरिदोंमोन नाथाय जेरावबो जेबो सुलुं मोननो हायाखैमोन। बिदिनो सानब्रै बारलांबाय थैवब्लाबो पुलिसफोरा दिहनुनो हायाखैमोन। बाथि दिनखालि गंसे मुसलमान गामि खाथियाव सासे मुसलमान गथ'आ सासे मानसिनि गोथै सोलेर दैमानि बिफां मुरायाव थाबथाना थानाय नुस 'नो। बेनिफ्राय बियो गिनानै खारना थानानै गावनि खिन्धाहैयो। बेनिफ्राय दावराव गामिनि मानसिफोरा नायनो ज'-ज' फेना थुबु जाफेजोबो। अब्ला मुसलमान गामिनि गावबुरायाबो फेना नायफैयो बेनिफ्राय गावजों-गाव रायलायो सासेआ बुडे- "मरा मानसिर शवथा आफि मानसिर हव नाखि ?" अब्ला गुबुन सासेआ बुडे-"हयरे हय एरखमे लागे कारण मुखथा तल मुख हइया आसे।" बेनिफ्राय मुसलमान गामिनि गावबुराया थानायाव थानानै खबर हैयो। बेनिफ्राय थानानिफ्राय पुलिसफोर थानानै गोथैखो दैमानिफ्राय बोखानानै थानायाव लाडो। बेनिफ्राय जाय एफआइआर होदोंमोन बेनो खिन्धाहरो। सासे आइजोनि गोथै सोलेर मोन्दों लड दैमानिफ्राय। नोथांमोननि गोमानानै थानाय आइजोनि गोथै सोलेरबो जानो हागौ। नंखायनो नोथांमोनहा फेनानै नायफैयोब्ला थाब फेना नायफेदो। जों पस्टमटेम खालामनो थाखाय कक्राझार हास्पतालआव लाना थानोसै होन्नायै। बेनिफ्राय हैरहाय मा जाखो जाय थानायाव एफआइआर होदोंमोन बे मानसिया सिगाडवनो मिथिखाबाय। मानो होनब्ला बै जाय मास्टर माइन् बियो एफआइआर हैग्रा मानसिखौ हुमखि हरखादोंमोन। पुलिसजों हेफाजाब दाहो होन्नायै। मानोना खोथाया सिं-सिं गामिनि मानसिफोरा मिथिजोबखानायमोन खालि न 'नि जाथि-खुरमाफोरखोल' मिथि होआखैमोन। बेखायनो न 'नि मानसिफोरा एसेबो मिथिथारखैमोन। दैमायाव आइजोनि गोथै सह पुलिसआ मोन्दों होनब्लाबो फोथायनो हायाखैमोन न 'नि मानसिफोरा। बिसोर गोमोदोंसोमोन गामिनि मानसिफोरखि बिदि सिथारनो हायो नामा होन्नायै। मानो होनब्ला बे गामियाव दिनेसिम बेबायदि जाथाय खालामफेराखैमोन। लाइसिनि नडबो जानो हागौ बे गोथै सहआ---

AFFIDAVIT

I, NUSHAR BARGAYARY, aged about 37 years, S/O- Bhabati Prasad Bargayary, resident of Village-Batabari under P.O. Simbargaon, P.S. & Dist. Kokrajhar, B.T.R. Assam, do hereby solemnly affirm and declare as follows:-

- THAT, I am the bona-fide citizen of India by birth and the permanent resident of above noted address.
 - THAT, my actual and correct name & surname is **NUSHAR BARGAYARY**, which is recorded in my Aadhaar Card, vide Card No. 775519227868 and other relevant document.
 - THAT, in the Land Document in respect of a plot of land, covered by **Dag No. 880 of Patta No. 794**, situated at Village- Berou -Bhatarmari under P.O., P.S. and Revenue Circle- Kokrajhar in the District of Kokrajhar (B.T.R.), Assam, wherein my name & surname has been recorded as **NANDA KUMAR BARGAYARY** (which is my nick name) instead of my actual and correct name & surname **NUSHAR BARGAYARY**.
 - THAT, I do hereby declare that **NUSHAR BARAYARY and NANADA KUMAR BARGAYARY** is the same and one identical person i.e. myself none other else.
 - THAT, I am swearing this affidavit to ascertain the above fact and to avoid the confusion regarding my name & surname as well as rectification/ correction as stated above and to produce the same before the concerning authority as a piece of documentary evidence and doing needful accordingly.
- The above statements are true to the best of my knowledge, belief and information and nothing has been concealed therein.

लक सभा बिसायख 'थिनि थाखाय गाहाइ मन्थि मदिया केरेलायाव रड स्व' खालामदों

तिरुवनन्तपुरम, 19 मार्च : गाहाइ मन्थि नेरन्ध मदिया लक सभा बिसायख 'थियाव केरेलायाव गावसोरनि बिजाथिफोरनि थाखाय मदतखौ बां'होने बिजेपिनि नाजानायनि गेजेरजों मंगलबारखालि बेयाव मोनसे रड स्व' खालामो। फुनि गासै 10.45 रिंगायाव कट्टामे डामन अंचुबिलक्कुनिफ्राय पिपेम मदिनि रड स्व'आ जागायो आरो सहराव गाहाइ पस्ट अफिसनि फारसे दावगा लाडो। पिपेम मदिया तामिलनाडुनि कयंबटुरनिफ्राय हेल्कट्टरजों बेयाव सौहैयो। फुल माला पार्टीनि फिफरफला, मदिनि सावगारिफोर आरो पार्टीनि थफि गान्नाय बिजेपि मदतगिरिफोरजों लोगोसे रोजा रोजा सुबुंफोरा गासै 1 किल 'मिटरनि रड' स्व'आव बाहागो लादोंमोन। जेब्ला पिपेम मदिनि गारिया आवगायो अब्ला लामा फारसैथिजाय थानाय सुबुंफोरा मदि मदि, भारत माता की जय आरो मदिजि स्वागतमनि स्ल 'गान



होयो। बेयाव जमा जानाय सुबुंफोरा मदिनि सायाव बिबारखो सारने हमे। पिपेम मदिनि रड स्व'आव गासै बेसोनि सुबुंफोरा बाहागो लादोंमोन आरो रड स्व'नि लामायाव फोबों बायदि थासारि सोमजिहोदों। माखासे सुबुंफोरा पिपेम मदिखौ नुवाब्ला गाव गावनि न'आव थाड होन्नानै थाबाय थादोंमोन। बेनि गेजेरजों पथानामथिदुयाव सुबुं

गौमाखौ सोमोन्दो लाखिनानै गाहाइ मन्थिया बुंदोंमोनदि, फेगौ लक सभा बिसायख 'थिफोरार केरेलायाव फद' बिबारखिलिने थांगासिनो दड आरो खुंथायाव थानाय बाम आरो बेरेखा देलो कंग्रेसनि दैदेन्याय इडिफफनि सायाव दाय जाबसिनोदि, रडज्योनि सुबुंफोरा गेना-खान्थि आरो इनाइ-अनागाय सरकारफोरनिफ्राय गोबां सहायबाय। खौरां एजेन्सि

पिटिआइनि बायदिब्ला 3 दाननि गेजेराव बे रडज्योआव मदिनि बेयो 5 थि खेब दावबायनाय। बेनि सिगां थानाय जानुवारी दानाव बिथाड बे रडज्योआव खेबने दावबायखांबाय। बेनि उनाव फेब्रुवारीयाव खेबसे आरो 15 मार्च आवबो खेबसे दावबायदोंमोन होन्नानै सुलुनिफ्राय मिबथिनो मोन्याय जादों।

राहुल आरो प्रियंकाया लक सभा बिसायख 'थिखौ इउपिनिफ्राय गेलेनाय नडा

गोदान दिल्ली, 19 मार्च : लक सभा बिसायख 'थिनि सिगां गान्धी नख 'रजों लोब्ला गोनां गिदिर खौराड सोराडव फेदों। राहुल आरो प्रियंका गान्धीया लक सभा बिसायख 'थिनि सिगां इउपिनिफ्राय जानगार जाबाय। अदेबानि राहुल गान्धी आरो प्रियंका गान्धीया इउपिनिफ्राय लक सभा बिसायख 'थिखौ गेलेनाय नंलिया। सिगाडव सानसि सोमजिदोंमोनदि, राहुल गान्धीया आमैतिनिफ्राय आरो प्रियंका गान्धीया रडबरेलिनफ्राय बिसायख 'थि गेलेनो हागौ। नाथाय बे मासिफोरनिफ्राय सानै दैदेनगिरिफोरा बिसायख 'थि गेलेनाय नंलिया। सुलुनिफ्राय मिबथिनो मोन्याय बायदिब्ला, राज बाबबरखौ हारियागानि फतेहपुर सीकरी एबा गुरुग्रामनिफ्राय लकसभा बिसायख 'थिनि फोथाराव फसंनो हागौ। बेनि गेजेरजों आरोबाव मोनसे गिदिर खौराड सोराडव फेबावदोंदि, हिमाचल प्रदेशनि



मन्डिनिफ्राय एमपि प्रतिभा सिंहआ लक सभा बिसायख 'थिखौ गेलेनो लुबैयाखे आरो बिथाडा दैदेनगिरिफोरनो बे बाथ्राखौ मिबथिहोदों। फारसेथि प्रिया दत्तखौ लानानैबो माखासे बाथ्राया गोसारदों मिलिन्द देवडा, बाबा सिद्धिकी आरो अशोक चक्राण बायदि गिदिर दैदेनगिरिफोरनि मुं लानायनि

उनाव आथिखालाव प्रिया दत्तखौ लानानैबो बे बाथ्राया गोसारदोंदि, प्रियाआबो कंग्रेसनिफ्राय गावनि लामाखौ सोलायनो हासिगौ। एकनाथ सिन्डेनि दैदेन्याय शिवसेनाया प्रियाखौ शिवसेनाजों सोमोन्दो लाखिजानो हास्थादों। बबेखानि पार्टीनि मोनसे गिदिर थाखोखौ बां'होनायाव बिथानि बाहागो लानाया जोबोद मख 'जाथाव।

सुलुनि बायदिब्ला प्रियाआ थानाय 2019 आव पुनम महाजनजों सा गेजेर मुम्बाइनिफ्राय जेदोंमोन। बे समनिफ्रायनो बिथानो पार्टीआ जेबो बिबान होयाखै। प्रिया दत्तआ बेनि सोमोन्दैये बुडोदि, बिथाड राजखान्थियाव एक्विथ नडा। नाथाय गावनि एनजिअनि गेजेरजों लांखिथ्यै सुबुंफोरजों सोमोन्दो लाखियो आरो समाजयारि हाबाफारिफोरव नांथाबनानै थायो। सिबिथाइ होनो थाखाय राजखान्थियाव बाहागो लानाया गोनांथार जाया आरो बिथाड दाय गोनां राजखान्थि खालामा। समाजयारि हाबाफारि मावनायानो राजखान्थि। आथिखालाव बिथाड रावबो पार्टीनिफ्राय टिके ट बियाखै।

एमभि रुएन जाहाजनि कू सोद्रोमाखौ रैखा खालामनायनि थाखाय हादतगिरि रुमेनआ साबायख 'र होदों मदिखौ

गोदान दिल्ली, 19 मार्च: थानाय माखासे दानफोराव भारत लैथोमायाव लैथोमायारि दाखुफोरनि हेथायै भारतआरि दै सान्थिआ माखासे अपारेसनफोरखौ जाफुंसार होदों। भारतआ आंगो लोगो हादरफोरखौ मदत होनायनि अनगायैबो, जाय हादतफोरा



मदतनि थाखाय हांखायहरो बिसोरखौबो मदत खालामो। माखासे सान सिगां भारतआरि दै सान्थिआ 40 घन्टा गोबाव सम संदानायनि उनाव हाइजेक खालामजानाय जाहाज एमभि रुएनफ्राय बुल्गारियायनि सा 7 नोगोरारिफोरखौ रैखा खालामदों। बे जाहाजखौ लैथोमायारि दाखुफोरा लांखारदोंमोन। बेनि उनाव बुल्गारियायनि हादतगिरि रुमेन रादेभआ गाहाइ मन्थिनो साबायखर हरदों। बिथाड

सशेल मिडिया पस्टआव भारतआरि दै सान्थिआ जिहोलाव आखुजों हाबाफारि मावनायनि थाखाय गाहाइ मन्थि मदिनिफ्राय गोबोंनिफ्राय साबायख 'र हरदों। मख 'जाथावदि, बे जाहाजआव सा 7 नोगोरारिफोरजों लोगोसे कू मेम्बरफोरखौबो भारतआरि दै सान्थिआ रैखा खालामदों। भारतआरि दै सान्थिआ लैथोमानि उदांस्त्रिखौ रैखाथि होनो आरो भारत लैथोमा ओन्सोलाव लैथोमायारि

दाखुफोरनि उतखार आरो उतखारिफोरजों जुजिनो थाखाय जेब्लायबो सांग्राडै थायो। भारतआरि बोरिमानिफ्राय 2,600 किल 'मिटर गोजानाव 40 घन्टासिम अपारेसन सालायनानै दै सान्थिआ हान्जाया सान्जा माल्टिसनि फिफरफला गोनां लांखारजानाय फालांगियायि जाहाज रुएन कू मेम्बर सा 17 खौ रैखा खालामनायजों लोगोसे सा 35 समालियायन लैथोमायारि दाखुफोरखौबो हमनो हायो।

1 एप्रिलनिफ्राय मोन 800 गोनांथार मुलिफोरनि बेसेना बांनो हागौ!



गोदान दिल्ली, 19 मार्च: फेगौ 1 एप्रिलनिफ्राय मुलिफोरनि बेसेनखौ बांनया नुनो मोत्रो नुनो हागौ। बेसेन बांनयाखौ गासै 800 मुलिफोराव नुनो मोननो थांगासिनो दं। बे मुलिफोरनि फारिलाइआव पेनकिलार, एन्टीबाय 'टिक आरो सन्देरनाय-होबथानायजों सोमोन्दो गोनां मुलिफोरावो दं। खौरानि बायदिब्ला, थक बेसेन फारियाव (डब्लिउपिआइ) सोलायनायनि उनाव सरकारा गोनांथार मुलिफोरनि हायुंआरि फारिलाइ (एनएलइएम) आव फेनाय मुलिफोरनि बेसेनाव 0.0055 जौखोन्दो बांनयाखौ गनायथि होनो थांगासिनो दं। मुलि कम्पानीफोरनि फारसेथिनिफ्राय बेसेन बांनयायनि जाहोनाव थानाय सान्नेसोनिफ्राय बेसेनखौ बां'होने दाबि खालामबोगासिनो दं। बेनि सिगाडव 2022 मायथाइयाव मुलिफोरनि बेसेनखौ रेकड महराव12 जौखोन्दो आरो 10 जौखोन्दो बां'होनाय जादोंमोन। मुलिनि बेसेनखौ सोलायनायनि गनायथिखौ बोसोराव खेबसेल' होनाय जायो। दारिमिनि जर 'खागिरिफोरा बुडोदि, थानाय माखासे बोसोरफोराव मुलि बानायनायाव बाहाय जानाय मुवाफोरनि बेसेना 15 निफ्राय 130 जौखोन्दो बांदों। पेरासटामलनि बेसेना 130 जौखोन्दो आरो एक्ससियेन्टफोरनि बेसेना 18-262 जौखोन्दो बांदों। बेनि अनगायैबो गोबां बेसादफोरनि बेसेना नै-गुन बांनया। रोजासेनिबो बांसिन मुलि दिहुनग्राफोरखौ दैदेनग्रा मोनसे लबी हानजाया बेसेनखौ सोलायनो थाखाय सरकारनिफ्राय गनायथि बिदोंमोन। दारिमिना खरसा बांनयाजों भुगिनांसिनो दं। नाथाय आथिखालाव सुबुंफोरा बेसेननि एसे बांनयायनिफ्राय रैखा मोनगोन। गोनांथार मुलिफोरनि फारिलाइआव, बेबादि मुलिफोरखौ लानाय जायो, जायखौ बांसिन सुबुंफोरनि थाखाय बाहायनाय जायो। बेफोरनि गेजेराव पेरासटामल, एजिथ्र 'माइसिन आरो भिटाडामिन आरो खनिजफोर दं।

टाटा सन्सनि गेजेरजों टिसिएसआव बाहागो फान्नायनि जाहोनाव शेयारआ दावख्लायदों

गोदान दिल्ली, 19 मार्च : टाटा सन्सनि गेजेरजों टिसिएसआव गावनि बाहागोनि एसेबां बाहागोखौ फान्नाय 1 आर'ब डलारनिखुइ बांसिन रां खामायनाय खौयंफोरनि गेजेरजों दिने टिसिएसनि शेयारआव गोबां दावख्लायनायखौ नुनो मोनगासिनो दड। टिसिएसनि शेयारआव बे खौरानि उनाव बेनि शेयारव दिने दावख्लायनायजों लोगोसे खुलिनाय आरो जागायजेन्नाय फालांगियाव 3 जौखोन्दो दावख्लायनायजों लोगोसे 4,022 रां थाहैयो। शेयार मार्केट एक्सपार्टनि बायदिब्ला टिसिएसनि शेयारआव दिनेनि दावख्लायनाया गाहामै टाटा सन्सनि बाहागो फान्नायनि जाहोनाव जादों। एक्सपार्टफोरनि बायदिब्ला बाहागो फान्नायनि गोहोमा सर्ट टर्मनि थाखायल' थागोन। मानोना बेयो स्टेक सेल कम्पानीनि गासै पेड अफ केपिटेलनि 0.65 जौखोन्दो। एसेबां खम बाहागो फान्नायजों टिसिएस बायदि मुंदांखा कम्पानीनि फाइनान्सियल थासारिनि सायाव बारा गोहोम खोख्लैनाय नडा। एक्सपार्टफोरा मिडियामनिफ्राय लं टार्म इभेस्टमेन्ट खालामग्राफोरनो बे सुबिधानि मुलाम्फा लानो बोसोन होदों। मानोना टिसिएसनि शेयार



प्राइस आउटलुकखौ गोबां मिजिं थिथाव महरै नुनो मोनगासिनो दड। बेराफारसे सर्ट टर्मखौ नोजोर होयोब्ला टिसिएसनि शेयार प्राइसखौ पजिटिभ नुनो मोनगासिनो दड। टिसिएसनि शेयारफोरनि मख 'जाथाव सापर्टआ 3,950 नि लेभेलआव दड। बेराफारसे गोजौ थाखोनि इयुनाव टिसिएसनि मोनफ्रोम शेयार प्राइसआ 4,250 आरो 4,400 अन्जिमाखौ मोनहैनो थां'गासिनो दड। मंगलबारखालि फुंनि 11 रिगायाव टिसिएसनि शेयारखौ 3.03 जौखोन्दो एबा 125,75 रां दावख्लायनायजों लोगोसे 4019 रडव ट्रेड खालामनाय नुनो मोन्दों। बेयो दिने 4055.65 रडव खुलिदोंमोन आरो जागायजेन्नाय फालांगियाव बियो मेक्सिमामयै 4055.70 रांसिम सौहैदों। बेराफारसे मिनिमाम

4012.80 रांसिम सौहैदों। फारसेथि टिसिएसनि शेयारनि 52 उडक हाइआ 4,254.45 रां। बेराफारसे 52 उडक ल' लेभेलआ 3070.30 रां। कम्पानीनि मार्केट के पखौ बिएसइयाव 14,54,832.99 कौटि रंखौ नुनो मोन्दों।

गौतम आडानीनि नेटवर्थआव सानसेयावनो 12,000 कौटि दावख्लायदों

गोदान दिल्ली, 19 मार्च: मुलुगनि बयनिखुइ धोनिसिन सुबुंफोरनि नेटवर्थआव थानाय समबारखालि गोबां सोलायनाय फेदों। सानसेनि गेजेरावनो नेटवर्थआव गोबां कौटि रां दावख्लायनायखौ आरोबाव बांनया नुनो मोन्दों। भारत आरो एसियायनि बयनिखुइ धोनिसिन सुबुं मुकेश आम्बानीनि नेटवर्थआव गोबां बांदों आरो बेराफारसँ गौतम आडानीनि नेटवर्थआव दावख्लायनायखौ नुनो मोन्याय जादों। थामथि आरो ब्रैथि बयनिखुइ धोनि आरबपति एलन मास्क आरो मार्क जुकरबार्गनि नेटवर्थआवबो समबारखालि गोबां बांदों। रिलाइन्स इन्डस्ट्रीजनि सियारमेन मुकेश आम्बानीनि नेटवर्थआव




थानाय समबारखालि गोबां बांदों। बिनि नेटवर्थआव 1.69 आरब डलार एबा 14,000 कौटि रां बांदों। बेजों बिनि नेटवर्थआव बांनानै 111 आरब डलारआव सौहैयो। बे बोसोरनि दासिमाव मुकेश आम्बानीनि नेटवर्थआव 14.5 आरब डलार बांखांबाय। ब्लुमबार्ग बिलियनयेयारस इन्डेक्सनि बादिब्ला, बियो

दाखुफोरनि नेटवर्थआव 13.4 आरब डलार बांखांबाय। बियो बे समनि मुलुगनि 13 थि बयनिखुइ धोनिसिन सुबुं, बेराफारसँ टेस्ला, स्पेसएक्सआव थानाय समबारखालि 7.37 आरब डलार बांदों। बेजों बिनि नेटवर्थआव बांनानै 188 आरब डलार जायो। बिनि नेटवर्थआव बे बोसोरनि दासिमाव 41.5 आरब डलार दावख्लायखांबाय। बियो बे समनि मुलुगनि थामथि बयनिखुइ धोनिसिन आरबपति। बेराफारसँ मेटानि सिइअ मार्क जुकरबार्गनि नेटवर्थआव 4.42 आरब डलार बांनानै 176 आरब डलारआव सौहैयो। बिनि नेटवर्थआव बे बोसोरव गासै 48.2 आरब डलार बांदों। बियो बे समनि मुलुगनि ब्रैथि धोनिसिन आरबपति।

गोदान दिल्ली, 19 मार्च : अनिल आम्बानीनि कम्पानीनि स्टकआ माखासे समनिफ्रायनो लासै-लासै सोलिगासिनो दं। बे स्टकआ थानाय बोसोरसेआव रां थिसनगिरिफोरनि मुलाम्फाखौ नै-गुन खालामदों। अनिल आम्बानीनि बे कम्पानीनि मुड रिलायन्स पावार। रिलायन्स पावारनि बाहागोफोरा थानाय बोसोरसेआव रां थिसनगिरिफोरनि रांखौ नै-गुननि बांसिन खालामदों। दिने बे कम्पानीनि स्टकआ गोजौथि नायगासिनो दं। रिलायन्स पावारनि स्टकनि सल 'आ जोबोद सोमोनांथाव। 2008 मायथाइयाव स्टकनि बेसेना 240 थाखोआव मोन। बेबादि समावनो दिनेबो हाथाइयाव बे स्टकनि बेसेना 23 रांल'। बे बायदियेनो सेयारनि बेसेना 90.35 जौखोन्दो गाहायाव फेदों। अनिल आम्बानीनि बे कम्पानीनि स्टकखौ आथिखालाव लांखिथ्यै दावखोनाय नुनो मोन्दों। थानाय 6 दानाव कम्पानिनि स्टकआ 21.47 जौखोन्दो बांदों। 15 फेब्रुवारि 2008 मायथाइयाव स्टकनि बेसेना 240 रांमोन। बे समावनो स्टकआव गोबां दावखोनाय उनाव रां थिसनगिरिफोरा गोबां खहा जानांदोंमोन। स्टकनि बेसेना 90 जौखोन्दोनि बांसिन

गाजानि फाहामसालियाव सिग्रोमनाय समाव सासे इज्राइली सान्थिनि जिउ गोमादों

तेल अभिभ, 19 मार्च : इज्राइल इज्राइल पाब्लिक रेडिअनि आरो हामासनि गेजेराव सोलिबाय गथाइनाय खौरांजों शिन्हुवाआव



थानाय दावहायाव सासेबाव इज्राइल सान्थिनि जिउ गोमादों। इज्राइल सान्थिआ बेनि बागै मिबथिहोनायै फोरमायदोंदि गाजा सहराव अलशिफा फाहामसालियाव सिग्रोमनाय समाव बिसोरनि सासे सान्थिनि जिउ गोमादों। बियो हनाहल ब्रिगेडनि हवालडारमोन होन्ना

फोरमायदों। रिपर्टनि बायदिब्ला, गाजानि बे फाहामसालियाव गोदानै सान्थि थैनायजों लोगोसे थानाय बोसोराव बे दावहाया जागायनायनिफ्राय दासिमाव सा 593 इज्राइल सान्थिफोरनि जिउ गोमाबाय। हामासनि पेरामिलिट्रि ब्रांस अल-कसम

ब्रिगेटआ बुंदोंमोनदि, अलशिफा फाहामसालि लांगोना सिडव हाबहैनाय फिन सुथुर एबा इज्राइल सान्थि जों बिसोरो गोखौ जुजिदों। इज्राइलनि रैखिथि हाजानि बुंथिगिरि डेनिथे ल हगारीनि बुंनयाय बायदिब्ला इज्राइल सान्थिया संगालि खौरां बिथा खालामनानै बे देहा फाहामसालियाव मोनसे अपारेसन खालामदोंमोन। फिलिस्तानी आरो इज्राइलनि सुलुंफोरा बुंनयाय बायदिब्ला सिग्रोमनाय समाव माखासे फिलिस्तानीफोरबो जिउ गोमादों आरो सा 80 सुबुंफोरखौ

हमनाय जायो। इज्राइल सान्थिया बुंदों, हामासनि उतखारिफोरा फिन फाहामसालियाव खुलि बानायदों आरो सिंनिफ्राय गुलि गावहरदों। फारसेथि फिलिस्तानी बिबानगिरिफोरनि बायदिब्ला फाहामसालियाव रोजा-रोजा सुबुंफोरा आस्य लानानै दड। थानाय बोसोरनि नभेम्बरआव इज्राइल सान्थिया अलशिफा फाहामसालियाव गाग्लोबदोंमोन। फाहामसालि सिडव आरो बेनि हासिंआव गंसे कामान्ड सेन्टार बानायनाबो दोन्दोंमोन। सान्थिआ माखासे आन्ड्राग्राउन्ट थ'फोरसिम थांग्रा सुरंग'बो संदानो हादोंमोन आरो फाहामसालि सिंनिफ्राय हाथियार बोखांदोंमोन।

अनिल आम्बानीनि मोनसे कम्पानीया गिबियाव गोरिबमोन, नाथाय उन समाव बांनानै दा धोननि बिगोमा जाबाय

गोदान दिल्ली, 19 मार्च : अनिल आम्बानीनि कम्पानीनि स्टकआ माखासे समनिफ्रायनो लासै-लासै सोलिगासिनो दं। बे स्टकआ थानाय बोसोरसेआव रां थिसनगिरिफोरनि मुलाम्फाखौ नै-गुन खालामदों। अनिल आम्बानीनि बे कम्पानीनि मुड रिलायन्स पावार। रिलायन्स पावारनि बाहागोफोरा थानाय बोसोरसेआव रां थिसनगिरिफोरनि रांखौ नै-गुननि बांसिन खालामदों। दिने बे कम्पानीनि स्टकआ गोजौथि नायगासिनो दं। रिलायन्स पावारनि स्टकनि सल 'आ जोबोद सोमोनांथाव। 2008 मायथाइयाव स्टकनि बेसेना 240 थाखोआव मोन। बेबादि समावनो दिनेबो हाथाइयाव बे स्टकनि बेसेना 23 रांल'। बे बायदियेनो सेयारनि बेसेना 90.35 जौखोन्दो गाहायाव फेदों। अनिल आम्बानीनि बे कम्पानीनि स्टकखौ आथिखालाव लांखिथ्यै दावखोनाय नुनो मोन्दों। थानाय 6 दानाव कम्पानिनि स्टकआ 21.47 जौखोन्दो बांदों। 15 फेब्रुवारि 2008 मायथाइयाव स्टकनि बेसेना 240 रांमोन। बे समावनो स्टकआव गोबां दावखोनाय उनाव रां थिसनगिरिफोरा गोबां खहा जानांदोंमोन। स्टकनि बेसेना 90 जौखोन्दोनि बांसिन



गाहायाव फेदोंमोन। आथिखालाव कम्पानिनि स्टकखौ थानाय बोसोरसेआव जौगाखानाय नुनो मोन्दों। 20 मार्च 2023 मायथाइयाव स्टकनि बेसेना 10.30 रांमोन। बे समावनो बोसोरसेआव बे कम्पानीनि स्टक बेसेना 23.20 रांनि थाखोआव सौहैबाय। थानाय 1 बोसोराव बे स्टकआव रां थिसनगिरिफोरनि बिबाड नै गुन बांदों। बोसोरसेआव बे स्टकआ रां थिसनगिरिफोरनो 125.24 जौखोन्दो रिटर्न होदों। जुदि सासे रां थिसनगिरिया बे स्टकआव 1 लाख रां थिसनदोंमोनब्ला बिनि राड 2 लाखनि बांसिन जागौमोन।

ट्रक गारिनि उनथिं "Horn ok please" लिरनायनि ओंथिया मा ?

जिल्लानि गाहाड़ लामा आरो राजा लामाफोराव जों गोबां गारि-मथरफोरखौं नुनो मोनो। गंफ्रोमबो गारियाव माबा नड माबा स्टिकार एबा माबाफोर गोसो बोनो हानाय लिरनायफोर थायो। कारफोराव जेराव उन्दैफोरनि मुं एबा इश्वरजों लोब्बा गोनां स्ल'गान लिरनाय थायो। फारसेथिं ट्रकफोरनि उनथिं शायरी लिरनाय थायो। अदेबानि मोनसे बाश्रा नोजोर होथावसिन जायो। बेयो जादों बांसिन ट्रक गारिफोराववो गिदिर-गिदिर हांखोजों लिरनाय "Horn ok please"। जौनि जिउआव औरैबायदि मुवाफोर दड, जायखौं जों सानफ्रोमबो नुनो मोनो, नाथाय बेनि जाहोनखौं मिबथिया। जेब्ला हरखाबै सोरबा बेनि बागै सोंथि सोडो अब्ला जों सानहाबनांगौबो जायो। बिब्दिनो ट्रक गारिफोराव बे स्ल'गानखौं



नुयोब्ला जों गोबां खेब नुदोंब्लाबो बेनि ओंथिखौं मिबथिया। दिनें जों ट्रक गारिफोरनि उनथिं लिरनाय बेफोर सरसन्ना सारि एबा बाश्रानि बागै मिबथिगोन। ट्रकनि उनथिं "Horn ok please" लिरनायनि मोनसे गाहाड़ जाहोन दड। ट्रक गारिनि उनथिं थानाय गारिया सिगांलानो नागिरोब्ला हर्न दाबो आरो जेब्ला ट्रक ड्राइभरआ गावखौं अभाटैक

खालामनो हागौ होन्ना सानो आरो सिगांथि गुबुन गारि फे याखैब्ला बियो अके खालामनानै इन्डिकेटरखौं सो गाबो। बेनि उनावसो उनाव थानाय गारिया सिगांथि गोरलैये थानो हागौ। बे बायदिनो हर्न अके प्लिजनि मेसेजआ एक्सडेन्ट जानायनिफ्राय होबथायो। सिगां समाव लामाफोरा गुसेब जायोमोन, बिब्दियाव ट्रक ड्राइभरआ

लामायाव रोखा जायोब्ला अकेनि गोजौआव लागायनाय मोनसे बाल्बखौं फोजोडोमोन, जायजों उनथिं थानाय गारिया अभाटैक खालामनायनि इसारा मोनोमोन। बेनि अनगायै अकेखौं नैथि मुलुग दावहाजोंबो सरजाबनानै नोजोर होनाय जायो। मानोना बै समाव डिजेलनि गोबां आंखाल दंमोन। बिब्दियाव ट्रकफोराव केरासिनजों आबुं कन्टेनार दोन्नाय जायोमोन। मख'जाथावदि, केरासिनआ जोबोद बिष गोनां जायो, बेनिखायनो माब्लाबा जाब्रबथाइ जायोब्ला बेयाव जाहाथे अर नाड। बेनि थाखाय थि रोखोमनि जान्थाइ लाखिनो थाखाय "On kerosene" लिरनाय जायोमोन। उनाव बेखौं अके होन्ना लिरनो हमो। अदेबानि बेखौं लिरनायाबो खम जाबोगासिनो।

मुलुगनि गोजामसिन लिपस्टिक संदानना मोन्दों



तेहरान, 19 मार्च: इरानआव संदानगिरिफोरा गोजा गाबनि लिपस्टिक संदानना दिहुनदों। गंसे फिसा अन्थाइनि ग्लासआव दोन्नाय 4 रोजा बोसोर सिगां बाहायजानाय बेयो मोनसे कस्मेटिक। संदानगिरिफोरा साइन्टिफिक रिपर्ट जार्नेलाव बे लिपस्टिकखौं संदानना मोनायनि रिपर्ट होदोंमोन आरो बेखौं मुलुगनि बयनिखुइबो गोजामसिन

लिपस्टिक होन्ना बुंदों। खौरांनि बायदिब्ला, बेखौं नायबिजिरना दिहुन्नायाव मिथिना मोन्दोंदि, लिपस्टिक सेम्पोलनि 80 जौखोन्दोनिबो बांसिन बाहागोआ बै खनिफोरजों बानायजादोंमोन, जाय रोजा गोजा गाव सोमजिखांहोयो। बे गोजा लिपस्टिकआव मंगानिज आरो ब्राउनाइटबो दंमोन, जायनि गाबआ रोजामोन। बेवहाय मैंगफोर आरो गुबुन कार्बनआरि मुवाफोरजों बानायनाय गलिग्रा आमथा मुवाफोरखौंबो बाहायनाय जादों। गनायथिनाय जादोंदि, ग्लासखौं गुस्थियाव लिपस्टिकखौं फुनायनि थाखाय बाहायनाय जादोंमोन जानांगौ। बेनि अनगायै बेखौं खावलायाव गाव फुनायनि थाखायबो बाहायनाय जायोमोन। बे ग्लासनि महरखौं मोनसे लिपस्टिक टिउब बायदि नुनो मोनो। बे ग्लासखौं रिजटनि नेसनेल पुराटत्व मिउजियामाव दोन्नाय जादों। बेवहायनो नायबिजिरना हान्जाया बेनि नमुनाखौं लादोंमोन। दासिमाव बे लिपस्टिकखौं सोर फुन्दोंमोन बेखौं रोखायै मिथिनो हायाखै।

सना आरो रुपानि बेसेना बांदों

गोदान दिल्ली, 19 मार्च: मंगलबारनि फुडाव सनानि बेसेनखौं बांनाय नुनो मोन्दों। एमसिएक्स एक्सेन्जआव 5 एप्रिल, 2024 खालि जानो गोनां डिलिभारिनि थाखाय सनानि बेसेना 0.16 जौखोन्दो एबा 103 रं बांनायजों लोगोसे मोनफ्रोम 10 ग्रामाव 65,711 रंआव फालांगि खालामनाय नुनो मोन्दों। थानाय समबारखालि दिल्लीनि सरापा बाजारव 24 केरेट सनानि बेसेना मोनफ्रोम 10 ग्रामाव 66,140 रंमोन। मुलुगनां सनानि बेसेनफोराबो आथिखालाव बांनायखौं नुनो मोन्दों। रुपानि नख'शरि बायदा बेसेनफोराबो मंगलबारनि फुडाव बांनायखौं नुनो मोन्नाय जादों। एमसिएक्स एक्सेन्जआव 3 मे, 2024 खालि डिलिभारि जानो गोनां रुपानि बेसेना 0.11



जौखोन्दो एबा 80 रं बांनायजों लोगोसे मोनफ्रोम किल'ग्रामाव 75,576 रं जादों। थानाय समबारखालि सरपा हाथायाव रुपानि स्पट प्राइजआ मोनफ्रोम किल'ग्रामाव 77,000 रंमोन। बुहुमनाइ'मंगलबारनि फुडाव सनानि बायदा बेसेन बांनायखौं नुनो मोन्दों। कमेक्सआव सनानि मुलुगनां बेसेना

0.02 जौखोन्दो एबा 0.40 डलार बांनायजों आउन्ससेआव 2164.70 डलार जादों। एखे समाववो सनानि मुलुगनां स्पट बेसेना 0.06 जौखोन्दो एबा 1.22 डलार बांनायजों लोगोसे आउन्ससेआव 2161.58 डलार जादों। सनाजों लोगोसे रुपानि मुलुगनां बेसेनाबो मंगलबारनि

फुडाव बांनायखौं नुनो मोन्दों। कमेक्सआव रुपानि मुलुगनां बेसेना 0.30 जौखोन्दो एबा 0.08 डलार बांनायजों लोगोसे आउन्ससेआव 25.34 डलार जादों। एखे समाववो रुपानि स्पट बेसेना 0.41 जौखोन्दो एबा 0.10 डलार बांनायजों लोगोसे आउन्ससेआव 25.14 डलार जादों।

हुतिआव उतरवारिफोरनि गाग्लोबनायजों सा 8 सुबुंफोरनि जिउ गोमादों

पर्ट-अ-प्रिन्स, 19 मार्च: केरिबियान लैथोआव थानाय हादर हुतिआव थासारिआ आथिखालाव जोबोद गात्रि जानानै दड। सुलुंनि बादिब्ला, हुतिनि राजथावनि पर्ट-अ-प्रिन्सआव समबारखालि अखानायसि समाव हाथियार लाग्रा हान्जा थामहिनबा हुति उतरवारिफोरा खाथि-खालानि ओन्सोलफोराव गोखोडै गाग्लोबदोंमोन, जेराव सा 8 नि बांसिन सुबुंफोरनि जिउ गोमानायनि खौरां मोन्नाय जादों। बिसोरो लाबुले आरो थमसिन ओन्सोलफोराव न'-न' थानानै लुथिहैयो, जायनि जाहोनाव सुबुंफोरा बेनिफ्राय खारलानो गोनां जायो आरो



माखासे सुबुंफोरा रेडिअ स्टेसनफोरनि जोहै पुलिस स्टेसननिफ्राय मदद हांखायदों। मख'जाथावदि, पर्ट-अ-प्रिन्सआव थानाय 29 फे ब्रुवारिआव हिंसायारि हांजा फोरा गाग्लोबदोंमोनब्लाबो खाथि-खालानि ओन्सोलफोराव थासारिआ गोजोनैनो दडमोन। जर'खागिरिफोरनि बादिब्ला,

हुतिआव उतरवारि हान्जाफोरनि हिंसायारि जाथाय खालामनायनि जाहोनाव फिसा-फिसौ नख'र दावहा बायदि थासारि सोमजिदों। हाइतिआव हाथियार लाग्रा हान्जाफोरा माखासे सान सिगां पुलिस थानाफोरखौंबो अर सावनानै होदोंमोन, गाहाड़ उरां गाथोनआव गाग्लोबदों आरो हादरनि बयनिखुइबो देरसिन

जोबथेसालिफोरखौं थांखि खालामदों। गाहाड़ मन्थि एरियाल हेनरिखौं बिबान एंग्लायनांगौ होन्ना दाबि दै खानायखौं लानानै जागायजेन्नाय बे हिंसायारि गाग्लोबनायाव गोबां सुबुंफोरनि जिउ गोमाबाय आरो हुतिनि सा 15,000 नि बांसिन नोगोरारिफोरा न' गै जायै जानांदों। मख'जाथावदि, हुतिआव भारतनि थान्दै मावख' गैया आरो हादरनि थासारिनि सायाव डमिनिकान गणराज्यनि राजथावनि सेन्ट डमिआव थानाय भारतयारि मिसननि गेजेरजों नोजोर लाखिनाय जादों।

रंजालि गथ'फोरनि सौरा

टेट्राकटिस खन्थाइ

जों लाइमोन समाजाव दंमार थारो जोबोर मोजां मोजां खन्थाइ रेबरा

जों लाइमोन समाजाव दंमार थारो एखर एखर हरदम रेबबाय थाग्रा

जों लाइमोन समाजाव हरदम रेबरा ओंखारबोला थुलुंगा होनांगौ

जों अब्ला लाइमोननि गायामायाव मोजां लिरगिरि दिहुन हाबावगोन

जा बादि गोथौथि खन्थाइ रेबो अनजालि सरगियारि आगैया

जा बादि हारोथाइ दं आगैनाव खन्थाइनि थिलिआव खन्थाइ रेबनो

जा बादि गोथौथि सोदोबथिजों रेबनो रोंगौ अनजालि आगैया

दे आगै बिदिनो सोरजिबाय था खन्थाइनि थिलिआव हरदम समाव

-रैदोम बर', माजदिया, बगुलामारि, बाक्सा

आनसोल

दुंबुद मोदोमनि सिं बाहागो गु दाननि बां लाथुमजानाय जिउ हर सान बिमानि गोबोंआ गाबखांदों जुनियर जिउनि इयुन हर सान, समजों लोगोसे बिमाजों एमब्रादों बायजो मुलुगखौं नायनो लुबैना, हरखाबै मेगन फैसालियाव सां बायदि नुथायनि गोदान बरायनाइ गनायहायाखै बुहुमनि उडलकाम गाबखावबायदों एड एड गिखांदों बुहुमखौं गनाया गनाया, मायाथिलिया संखिहोदों बाग्दावहोदों दाला सायाव बुहुमजों उल्था मोखाडै बाजादों अखां बिखायाव नायदावहोदों संसारनि बारहावाखौं मेगन मोदोमाव खोलैदों नाथाय थेवब्लाबो गाबखावबायदों, बिमानि अनसुलि रुदोब आखाव अनफावरि गुवार बिखा बेयोसो फुस्लायदों गाबगाहोदों आरोबावसो बे बुहुमखौं बुजिहोदों मानोना बे बुहुमा फिस्लायलु आगानफ्रोमबो जैसि आरो सु, सौहैगोन थांखिसिम जेबोला जों मोजां लामा दिन्थिगिरिनि उनसडे गुरुनि बोसोन लायो बिमा बिफानि मोजां खोथा आरो लामा लायो बेनिखायनो फे जों आनसोल हमनि बे बुहुमाव आनसोल हमना थाबायनि।

-हादोदसा गयारि सनितपुर

जिउ देंखोनि खबाम नागिर बायना

जामब्रिनाय गोबोंनि सानसिफोराव गोदान बिथ'राइ खिलि होना गुन अर'नाय मिजिनि सानबोलावरियाव गोदै बिसम्बिनि हायना सारफावना आं दावबायो जिउ मोनसेनि गोजोनथिलि नागिरना मिजिं गोनां बै लामाजों..

गांखं बुफाय जानाय जिउनि सिमांफोरखौं गोबोंआव बोनथुम-बोनथुम, सोदोबनि आगरजों.. फोरमायनो सिखिरि सुबुंनो जिउनि बायसेश्रा सिमां आरो बोहैथि जिउनि मोत्राय गोमानाय, जेन्नाय देरहानायनि जिउनि फारिलाइ... रुगुं नुहर सयै लैथोनि बैथा गैथि दिड सायाव आवरायनानै खबाम गैथि जिउनि देंखो ।

मिथिगानि गाबजों समायसारी गोबोंआव.. जिउ गोनां गोबोंनि मिजिं फोरखौं सानरेबनि गोत्राय रावजों... गोबोंआव फोजाखां होना आं दिने दावबायो... जिउनि गोजोनथिलि नागिरनायजों खबाम गैथि जिउ देंखोनि खबाम नागिर बायना।।

-आलेरा बर' लखिस्त्रि, सनितपुर

मानो जाखफैयो बेनि फोथायखेस' महरा

आं फागलि जायो गोसोथोना मोनेनि दिखारखौं बावगारनो हायाबा। सान हर दुंबुद मोदै मेगनाव गबोयो मोखां सिगलाहोलानो ।

सोर मिथिनो गावनाय बिखायाव थैसाम खाना थानाय । गैया साबुद फोरमायनो थाखाय । गैया सोदोब लिरनो थाखाय ।

मेगन मोदै अराय सम बोहैबाय थायो फुवा फुवा बे मोदै आदि सोदोब गैया । दिने गिलुबालु अर जोंदों आनि गोरबो इसिंआव । बे अरखौं लुखुमोरनो मालाय सोर दं ।

नै सिखिरि सुबुंफोर नाय दिने नोंसोर रजेया गैया आंजों । थेवबो मानो आनि गोरबो इसिंआव अराय जाखफैयो बेनि फोथायखेस' महरा ।

-सनिया बसुमतारि ककिला बनरगाव, बिस्वनाथ

दायआ सोरनि

फागुन दाननि रानस्राव गोरान लामानि दावबायारि बबेबा थांखिनि नाथाय सिनाया आं बैसिम सहैनायनि लामाखौं मिथिगो बेखोल' अरायबो मोजां लामाजों थानांगौ । लामानि दुंबुद गोरान बारआ बारलुनानै हाद्रि सारलांबाय आनि मेगनाव, आं एसेबो नायनो हायाखिसै खाथि खालानि जिरादखौं नुनो मोनाखिसै । आं जेब्ला आन्दायनानै थाबायबाय थायो, सोरबा सिखिरि मानसिया आंखौं बोलांफायो, आदि बेसेबां गोजोन्नाय मोनदों बेजोंनो सौहैफासिगोन सानानै गोसोआव बायदि मिजिं लानानै । रंजानायजों बेखौं सानफ्राडखे मोनदि आं माबायदि लामाजों थानों । गुमुरखौंनो मोनाखैमोनदि आं सौथु लांबाय थानों, दसे उनाव जेब्ला दैमा बारनो हमो अब्लासो आनि गोसोआ गिखाडो दैजों मोखां सुप्रायोब्ला गिलु बालु हाग्रामा सिगांथि नुहरो । थाबैनो गिदिफिनो आं सिगांनि लामाथिं, मोनहैफिनगोन आं गोत्राय आगानखौं । नाथाय बबेआव मोनबावगोन बारग' लानाय समखौं ? बेनिथाखाय आं आंखौंनो माबोरैहाय दायनिगिरि खालामनो आनि मोजां गात्रिखौं बिजिरनो गुबुनखौं आं मानो हांखायनो ?

गब्बा बसुमतारि कक्राझार।

(□ 1 बिलाइनिफ्राय)

कंग्रेसआ गोरोन्थियै देरहायोब्लाबो बिबान एंगारनानै विजेपियाव हाबफैगोनः हिमन्त विश्व शर्मा

कंग्रेसयाव थागोन ना थाया बे सोंथिया दासान्दि बरनिबो खुगा-खुगा गोसोरनो हमदों। गुबैयै दानि समाव सासेबो दैदेनगिरियानो कंग्रेसयाव थानायखौं लुबैलिया। बयबो विजेपियाव हाबनोसो हांखुर जानायखौं नुनो मोन्नाय जादों। बिथाड बुडोदि, सासेल' नड गासेबो कंग्रेसनि बिजाथिफोरखौं बिजेपियाव लाबोनो हायोब्ला अब्ला कंग्रेसनो रइजो-रजाफोर भट होनायनि मा मुलाम्फा जागोन होन्नानै बिथाड सोंथि दिख्दांदों। बेनो जादों क्रेडिट, गाहाइ मन्थि नरेन्द्र मदिआ सान आरो जों अखाफोर बायदि होन्नानै ड' शर्माआ बुडे।□

कक्राइर लक सभा बियाबाव एनडिएनि बिजाथिआ 2 लाखनिबो बांसिन भटआव देरहागोनः भवेश कलिता

आफादिनि मावखुलियाव दोलोयारि मावथिफोरजों गोनांथार मेल जथुमानै बिजेपिनि आफादिगिरि भवेश कलिताआ जेरँथि जाया बरेखा हान्जानि बिजाथिया जहाते भटारफोरनि गोसोखौं बोनो हायै बेनि थाखाय ट्रेक्टरनि नेसाँनखौं गोबाडै गायसन्नानै दोलोजों लोगोसे बिजाथिनि फोसावदिंदोनो आरो बरेखा दोलोनो बिसायख'थि मावखुलि, बिजाथि बायदिखौं माबेरै गाहायाव दोन्नो हायो बेनि थाखाय सोलो थियारि खालामनानै 1 नं कक्राइर लक सभा बियाबआव एनडिएनि बिजाथि जयन्त बसुमतरिखौं देरहाहोनो दावहा सोलो थियारि खालामनो खावलायो। उनाव खौरं बिजॉनि सिगाडव बिजेपिनि राइज्योआरि आफादिगिरि भवेश कलिताआ कक्राइर लक सभा बियाबनि नम्बरआ जेरँ 1 बे बायदिनो बिसायख'थिनि फिथायाव एनडिएआ 1 नम्बरआव थागोन होन्नानै बुडे। एनडिएआ 1 नम्बरआव थानांगोन आरो बेनि थाखाय दोलोया माबायदिचै दावगालांगोन, दोलोनो दावहा सोल्लों, दोलोनो बिजाथिखौं देरहाहोनो बिसायख'थिनि फोसावदिनायखौं गोखोँसिन खालामनाय बायदि आयदानि सायाव बे मेलाना सावरायनाय जायो होन्नानै बिथाड बुडे। नरेन्द्र मदिनि सिगाडव बिपिएफआ जेबो फेक्तर नड होन्ना फोरमायनानै बिथाड बुडेदि बिटिसिनि जौगाथायुव थाखाय नरेन्द्र मदि एबा हिमन्त विश्व शर्माआ जेरँबायदि खामानि मावदों बेनि फासँ जोनोर होनानै कक्राइर लक सभा बियाबाव जयन्त बसुमतरिखौं गोबां भटजों देरहा होनाया रोखा। कक्राइर लक सभा बियाबाव एनडिएनि बिजाथि जयन्त बसुमतरिआ 2 लाखनिबो बांसिन भटजों देरहागोन होन्नानै बिजेपिनि आफादिगिरिआ फोरमायो। गुबुन फार्सेँथि, नव' कुमार शरनियानि सोमोन्दै बिजेपिनि राइज्योआरि आफादिगिरि भवेश कलिताआ बुडेदि मानसिया गुबुन सासे मानसिखौं मान होनांगौ। हारि-जाथि, बर'-अबर' राजखान्थिया सोलिया। मानसिनि गेजेराव बेखावलु सानसि लाबोनाड, जौगानायनि थाखाय खामानि मावनांगौ होन्ना फोरमायनानै बिथाड गोजोन आरो खोसेधि, जौगाथायनि थाखाय राइजो-रजाफोर एनडिएनो भट होगोन होन्नानै बिथाड बुडे। बिजेपिनि गागि दैदेनगिरि आमिनुल हक लस्करआ कंग्रेस दोलोयाव हाबहेनायनि सोमोन्दै बिथाड हक लस्करआ मा जाहोनाव कंग्रेस दोलोयाव हाबहेदों मिथिया होन्ना फोरमायनानै शिलचरआव एनडिएनि बिजाथि परिमल शुक्लबैद्यआ 2 लाखनिबो बांसिन भटजों देरहागोन होन्नानै दाबि खालामो। मख'नो गोनांदि, दिदैनै मेलाना बिटिसिनि गाहाइ मावफुं सोद्रोमा प्रमद बर', बिसायख'थि सामन्त्याव आफादिनि आफादिगिरि हेमेन्द्र नाथ ब्रह्म, लिंधुमगिरि गौतम दास, बिटिसिनि मावफुं सोद्रोमा अरुप कुमार दैन नुजाथिनायाव दोलोयारि मावथिफोरजों बिजेपिनि रइज्योआरि आफादिगिरि भवेश कलिताआ मेल जथुमो।□

दर-उदालगुरि बियाबनि कबिरालिआव बिपिएफ दोलोनो जगदान हाबाफारि

सोंखारिनानै बुडेदि, गोलाव 20 बोसोर बिजेपि सरकार बिटिसिखौं थ'गायनायल' नड एमपि दिलिप शडिकियाआ थानाय 5 बोसोराव 8 नं मंगलदे लक सभा बियाबनि राइजो-रजाफोरनि जौगाथायनि खामानि मावनो हाया लासिनो फिन बिजेपिनि बिजाथि जादों। बारग' मन्थिआ बुंबावोदि, जुश्याय हान्जा बिपिएफआ बिजाथि दिलिप शडिकियाखौं देरहा होनायनि उनावबो बिपिएफ दोलोखौं खेबसेबो सुलु लायाखै, बेनिखायनो बे खेबाव दिलिप शडिकियाखौं चेलेन्ज खालामनानै बिपिएफ दोलोआ कलाइगाव बियाबनि एमएलए दुर्गादास बर'खौं बिजाथि महरै फसँनानै एमपि दिलिप शडिकियाखौं फेजेन्को थाखाय बिपिएफआ थियारि जादों होन्नानै बारग' मन्थि रहिन दैमारीआ बुडे। बे जगदान हाबाफारियाव इडपिएएल, बिजेपि आरो गुबुन दोलोफोरनि गासै सा 300 सोद्रोमाफोरा बिपिएफ दोलोयाव हाबफैयो। मख'नो गोनांदि, बारग' लेडाइ बुंथिगिरि त्रिदिप दैमारीआ आफादिगिरि मासि सामन्त्यायनाय जगदान मेलाना बिजाथि दुर्गादास बर', बारग' एमसिएए कार्तिक बर' माजबात बियाबनि एमएलए शरन बर' आरो रबिनसन मुसाहारीजों लोगोसे बिपिएफ दोलोनो गोबां दैदेनगिरि-मावथिफोरा बाहागो लायो।□

राइज्योआरि थाखोनि हारिसु बादायलायनायाव देरहानानै हारि आरो ओन्सोलनि थाखाय गोगानाय लाबोदों लोरगि थियेटार गुपआ

मोसाखावरि हान्ज्या। राइज्योनाडै हारिसुनि बिथिडव जांखिथाइ लाबोनायनि नोजोरजों आसाम सरकारनि बिथोन बायदिचै थानाय माखासे दानफोर सिगांनिफ्राय भिसिडिसि थाखो, जिल्ला थाखो, बिधान सभा आरो राइज्योआरि थाखोआव आसाम हारिसुवारि जांखिथाइमा हाबाफारिखौं खुंनय जादोंमोन। बेबायदिनो सन्जिब कुमार ब्रह्मनि दैदेनाय लोरगि थियेटार गुपनि मोसाखावरि हान्ज्या गावसोरनि रोंगथिजों बाखायथावै मोसानानै दिन्थिनयनि गेजेरजों भिसिडिसि थाखोनिफ्राय जागायनानै राइज्योआरि थाखोनि बादायलायनायसिम बान्था आवग्रिनो हादों। बेबायदिनो एलएसि थाखोआव नैथि बान्था, जिल्ला थाखोआव सेधि बान्था आरो राइज्योआरि थाखोआव नैथि बान्थाखौं आवग्रिनो हादों लोरगि थियेटार गुपनि मोसाखावरि हान्ज्या। जागायनायनिफ्राय राइज्योनां थाखोसिम बान्था आवग्रिनो हानायनि थाखाय दिनै लोरगि थियेटार गुपआ कक्राइरनि चान्दामारियाव थानाय गावसोरनि मावखुलियाव लोरगि थियेटार गुपनि गाहाइ नेहाथारि सनजिब कुमार ब्रह्मनि दैदेनायाव मोसाखावरि हान्जानि साफ्रोमबो सोद्रोमाफोरखौं बरायनाय जायो। आसाम हारिसुवारि जांखिथाइमा हाबाफारिखौं खुंनयनि थाखाय आसाम सरकारनिसिम साबायख'र जासिनानै इयुनावबो बेबायदि हाबाफारिखौं आसाम सरकारआ खुंनबांया थागोनखौं मिजिथिनय फोरमायो गाहाइ नेहाथारि सनजिब ब्रह्मआ।□

कंग्रेसनि इस्टाहाराव मोन 25 गरेन्टि, बिजेपिखौं इन्डिया साइनिं गोसोखां होनानै फोसावलाइखौं फोसावबाय

माइथायाव 'इन्डिया साइनिं' स्लगानजों समान जानो थान्गासिनो दड। कंग्रेस वार्कि कमिटिनि मेलयाव आफादिगिरि खड्गोआ दोलोनो साफ्रोमबो मावथिफोरखौं कंग्रेसनि बे इस्टाहारखो हादतनि गंफ्रोमबो नख'शव लानो थाखाय खावलायो। बिथाड लोगोसे बुडेदि, कंग्रेस दोलोआ लकसभा बिसायख'थियाव सुबुफोरनो होनो नागिरनाय गासैबो समायखिराफोरखौं मावफुंगोन। दोलोनो बे मावफुं मेलयाव रहलजों लोगोसे प्रियंका आरो सनिया गान्धीआबो बाहागो लादोंमोन।

आफादिगिरि खड्गोआ बुंबावयोदि, सुबुफोरनो समायखिरा होनायनि सिगां मोनफ्रोमखौंबो मावफुंनो हागोन ना हाया बेफोरखो बिजिनानै नायग्रोनांगोन। बिथानि बायदिब्ला कंग्रेसनि फोसाव बिलाइया 1926 माइथायनिफ्रायनो हादतनि राजखान्थियारि जारिमिनयाव मोनसे फोथायथिनि बाखि जानानै दड। मिबथिनो मोन्नाय बायदिब्ला, दोलोनो बे फोसाव बिलाइखौं गागि दैदेनगिरि पि. सिदामबरमनि दैदेनाय मोनसे कमिटिआ सुजुदोंमोन। रहल गान्धी दैदेनाय ' भारत जड़ न्याय यात्रा' खौं रायखानानै बिथाड बुडेदि, बे दावबायनायजों सोमोन्दो थानाय आयदाफोरखौं हादत आरो गुबुन हादतफोरवा सावरायनाय जादों। बेयो जौंखौं सुबुफोरनि गुबै जेनाफोरनि फारसे हादतयारिफोरनि फारसे गोसो बोनो खाबु मोन्दों आरो बे दावबायनाया 16 मार्चखालि मुम्बाइआव जौबहैदोंमोन। मुम्बाइआ दोलोनो थाखाय जुनियायै गोनांथार होन्नानै कंग्रेस दोलोखौं मुम्बाइयावनो गायसन्नय जादोंमोन। 1942 माइथायाव 'भारत नागर' सोमावसारनाय समाव उदासि सोमावसारनायाबो मुम्बाइनिफ्रायनो जागायदोंमोन। बेखायनो जोबोद गोजेन्थाव बाश्रादि, भारत जड़ न्याय यात्रयाबो मुम्बाइआवनो जोबहैदोंमोन होन्नानै आफादिगिरि खड्गोआ बुडे।□

(□ 1 बिलाइनिफ्राय)

फैगौ लकसभा बिसायख'थियाव बिटिआरनि दरनै बियाबआव बिपिएफनो एआइइउडिएफनिफ्राय मदत

फोसावनाय जादों। बरेखा हान्ज्या खोसे जानो हायाखैब्लाबो बिटिआरनि दरनै बियाबआव एआइइउडिएफआ थोंजोडै बिजाथि फसखलालसे बरेखा दोलो बिपिएफनो उदालगुरि जिल्लानि माडन 'रिटि भटारफोरनि मदत मोनगोन होन्नानै दाबि खालामदों दोलोनो एमएलए रफिकुल इस्लामआ। सुलुंनि बायदिब्ला, दलगावनि एमएलए मुजिबुर रहमानआबो बिपिएफ बिजाथिनि जानानै बिसायख'थि फोसावदिनायाव ओंखारदों होन्नानै मिबथिनो मोन्नाय जादों।

दर-उदालगुरि बियाबआव गोबांथार माडन 'रिटि भटारफोर दडब्लाबो एआइइउडिएफनि सान्नाय बादि जायाबो जानो हागौ, मानोना कंग्रेसआबो बे बियाबआव गोखों बिथा दड होन्नानै मिबथिनो मोन्नाय जायो।□

6थि गुरुदेब कालिचरण ब्रह्म बान्था- 2024 खौं उत्तम तेरननो होगोन

गुरुदेब कालिचरण ब्रह्म ट्रास्टनि आफादिगिरि ड' अजित बर'आ मोनसे खौरंगिरि मेल खुंनयनि गेजेरजों देलायनि गुरुदेब कालिचरण ब्रह्म बान्था- 2024 नि थाखाय मुसि उत्तम तेरननि मुंखौं सायख'नायनि सोमोन्दै फोसावनानै होयो। बिथाड फोरमायनाय बायदिब्ला, फैगौ 18 एप्रिल, 2024 इ अक्टखालि जायखि-जाया जायगायाव (दासिम थि जाथयै)गुरुदेब कालिचरण ब्रह्मनि जोनोम सान फालिनायाव बे बान्थाखौं गथायनाय जागोन। बान्था हिसाबै नोगोद 50 रोजा रंजों लोगोसे गांसे मान बिलाइ आरो मोनसे ममेन्टखौं मुसि उत्तम तेरननो गथायनाय जागोन होन्नानै गुरुदेब कालिचरण ब्रह्म ट्रास्टनि आफादिगिरि ड' अजित बर'आ खौरंगिरि मेलनि गेजेरजों फोरमायदों।□

बिजनीआव माजिब्रै सन्देह

गोनां मोसौं हमनो मोन्दों

टाटा पिक-आप आरो एएए 15 ए 7038 नम्बरनि गुबुन गंसे टाटा पिक-आप हमनो मोनदों। गनै गारिनि सालायगिरिफोरखौं बरपेटा जिल्ला कलगासियानि आश्राफुल इस्लाम (27), दीवान आजादुल (22) आरो आबुदुल साबुर (19) होन्ना सिनायथिनो हादों। मोसौफोरखौं भुटाननिफ्राय सिखावै लाबोनायनि सन्देह खालामनाय जादों। बिसोरनि गेजेराव गोबां मिथुन मोसौफोरबो दड। जेराव गोबां मोसौफोरनि खोमायाव थानाय टेगआ आसामनि नड एसएसबिनि हान्ज्या गारिजों लोगोसे मोसौफोरखौं पानबारी पुलिसनो गथायना होयो। पानबारी पुलिस थानाया बेनि सायाव 18/24 आव मोनसे केस रेजिस्टार खालामना नायबिजिगासिनो दड।□

लकसभा बिसायख'थि 2024 : फोसावजानाय

बिफानफोरनि मावफारियाफोराल' पस्टेल बेलटजों भट होनो मोनगोनः बिसायख'थि आयग

बिफानफोरनि मावफारिया गुबुन गुबुन जायो। अन्ध प्रदेशआ मोन 33 जों बयनिखुडबो गोलावसिन फारिलाइ होदों। बेफोरनि गेजेराव मेट्ट, मोब्लिब बिफान आरो गुबुन गुबुन बिफानफोर। नाथाय अरुणाचल प्रदेश, मध्य प्रदेश, सतिसगड, हिमचाल प्रदेश, मणिपुर आरो सिक्किमखौं लानानै दजनसेसो राइज्योफोराव बेबायदि बिफानफोरनि अन्जिमाखौं 10 निफ्राय गाहायाव दोन्नाय जादों। बिसायख'थि आयगजों सोमोन्दो थानाय मावख 'गिरिनि बायदिब्ला बिसायख'थिनि समाव पस्टेल बेलटनि सोमोन्दै सोमजिनय सॉलुफोरनिफ्राय बारग'नो थाखाय बेनि आरजाथाव मावफारियाफोरखौं राइज्योफोराव सिगांनिफ्रायनो थिसन्नाय जादों।

लोब्बा थानाय बिफानफोरखौं सिगांनो बेनि सोमोन्दै मिबथिनो बिथोन होनाय जादों। बिसायख'थि आयगआ गासैबो राइज्योफोराव पस्टेल बेलट खाबु होनानै गोनांथार सिबिथाय होग्रा मावफारियाफोरनि फारिलाइयाव खौरं बिजॉनि सुबुफोरखौंबो सोसन्नाय जादों। दासिम माखासेल' राइज्योफोराव खौरं बिजॉनि मावथिफोरनोल' पस्टेल बेलटनि खाबु होनाय जादोंमोन।□

फोसावथाइ मोन्थानि थाखाय इ-निलाम

स्टेशन प्रेमाइरेज (न-डिजिटल)आव फोसावथाइ- ननि बड्को आरो फोसावथाइनि थाखाय इ-निलाम। गाहायव रोखाये होनाय बायदि। **निलाम केटासल नं.** एडिफिटि-आरएनवाइ-24-1-1। **सेक नं.** एए/1, लट नं./केटारि: एडिफिटि-आरएनवाइ-एनबिकिउ-आएअ-192-24-1-1। (फोसावथाइ- ननि बड्कोआव)। **फोसावथाइ**: निउ बड्कोव जेसिन स्टेशननि स्टेशन ओम्नीलिनफ्राय 2600 स्कुयार फिट गासै जबांनि ओम्नीलिनफ्राय 3 (थाम) बोसोर समनि थाखाय हई, ग्लसाइड आरो ग्लसाइड कियक मनेडज एडिफिटि फोसावथाइ दिन्थिफुनायनि थाखाय ननि बड्कोआव फोसावथाइनि मोन्थाय। **इ इजिट**: बोसोअरि लाइसेन्सि फिस। **दिपथान**: 1095। **लट जागायनाय अक्ट** आरो **सम**: 01-04-2024 नि 10:00 रिग। **लट जौबनायनि सम** आरो **अक्ट**: 01-04-2024 नि 10:30 रिग। **सेक नं.** एए/2, लट नं./केटारि: एडिफिटि-आरएनवाइ-एनएसएलएन-आरएसएन-191-23-1-1। (फोसावथाइ-स्टेशन प्रेमाइस (न-डिजिटल))। **फोसावथाइ**: गाहलामुन (एनएसएलएन) स्टेशनआव 3 बोसोर समनि थाखाय फोसावथाइ दिन्थिफुनायनि थाखाय रेल डिपार्थमेन्टेवर्क थिका (न-डिजिटल) नि खामानि। **इ इजिट**: बोसोअरि लाइसेन्सि फिस। **दिपथान**: 1095, लट जागायनाय **सम** आरो **अक्ट**: 01-04-2024 नि 10:00 रिग। **लट जौबनायनि सम** आरो **अक्ट**: 01-04-2024 नि 10:40 रिग। **इ-निलाम केटासलखौं रेलवे इ-निलाम फारिजाथिनि वेवसाइट** www.ireps.gov.in आव फोसावथानाय जावय।

डिआएएम (सि), रडिया सा-सान्जा सिमना रेलवे

“मिनिस्नुनायजों ग्राहकफोरनि सिबिथाइ”

Lost

I have lost my H.S.L.C. Admit Card bearing Roll: B24-0112 No: 0195 and Registration Card bearing No- 04/UP/0872/102594/22 of H.S.L.C. Examination-2024.

If anybody have found please inform to the following address.

Sri Beliom Basumatary
S/O- Ronjit Basumatary
Vill- Sijwoguri
P.O- Betini
Dist- Chirang
Pin- 783393
(M) 7635913936

आर्मेनियाया पिनका र्क्रेटनि थाखाय भारतजों गोरोबथा खालामदों गोदान दिल्ली, 19 मार्च: मुस्लिम हादर आरो पाकिस्ताननि लोगो आजारबैजान आरो भारतनि लोगो आर्मेनियायि गेजेराव दाडबार्जिआ बादों। आर्मेनियाया आजारबैजानजों मोनसे गिदरि दावहानि खैफोदजों मोगा-मोगि जानादों आरो गावनि लोगो भारतनिफ्राय थिथावन पिनका र्क्रेटनि थाखाय मोनसे गिदरि गोरोबथा खालामदों। बे गोरोबथाया आजारबैजाननि गिनयखौं बांहोगोन। आर्मेनियायि खौरं बिजॉनि बायदिब्ला, आर्मेनियायि रैनियाफोरा भारतनिफ्राय पिनकनि मोनसे गोदान रोखोम बायगासिनो दं। बेयो आर्मेनियायि रैनियाफोरखौं 40 निफ्राय 70 किल मिटारसिम सुधुरनि जायखिजाया थिथाखौं फोजोबस्तनो हायो। बे गोरोबथाजों आर्मेनियाया नोजोर होदोंदि, बेयो रासियाजों बानायजानाय ग्रेड बिएम-21 खान्थिनिफ्राय गावखौं गोजान खालामनो थान्गासिनो दं। भारतनि पिनका र्क्रेट सिस्टेमा रासियायि खान्थिनिफ्राय जोबोद सिगांसिन आरो गोदानसिन बिरोंदायिनजों बानायजानाय। मोनसे पिनका र्क्रेट खान्थिनाय मोन 6 र्क्रेट लन्वारफोर थायो। बेवहाय लडार गारिफोरबो दं, जाय र्क्रेटखौं गोखैनो रिल'ड खालामो आरो बेखौं गागलोबनायनि थाखाय थियारि खालामो। बेनि अनगायैबो मोनसे अर सामलायनाय खान्थि आरो बोथोरनि खौरं राइखो दं। बे गोरोबथाया अब्ला ओंखारदोंमोन जेब्ला बावैसो मोनसे भिडिडि'आव पिनका र्क्रेट फेक्दरीआव गोबां फडफोरखौं दिन्थिनाय जादोंमोन। रोंग'साफोरनि बायदिब्ला, बे फडफोय मोनसे इसादि, पिनकाया दा आर्मेनियायाव दैथायहरनो थियारि जागासिनो दं। पिनकाया भारतनि गोबां रेखाथि कम्पानोफोरजों जयै बानायजानाय। फोरमायथि बायदिब्ला, 5 रोजा पिनका र्क्रेट सिस्टेम बानायनो थाग-थियारि खालामनाय जादों। भारतआ आर्मेनियायि रैनियाफोरखौं हाथियारफोरजों सुजुबाय थादों। बेनि सिगां तुकी अकिन्सी डून आजारबैजानआ जोबोद आन्देआव बेखौं बायदोंमोन। एखे समावनो, 2022 माइथायाव नाग'रनो काराबाखनि दावहानि समाव अजरबैजानआ तुकी टीबी-2 डूनखौं गोखोडैबाहायदोंमोन। बेयो आर्मेनियाखौं फेजेनदोंमोन। बे समावनो, आर्मेनियाया अजरबैजानजों मोगा-मोगि जानो थाखाय भारतनिफ्राय मोनसे डून खान्थिबो बायदोंमोन। इड'सियान टाइम्सनि रिपटीनि बायदिब्ला, आर्मेनियाया भारतवा बानायनाय जेन एन्टि-डून खान्थिखौं बायदोंमोन। भारतारि अख्बां सान्थिफोरबो 2021 माइथायाव बे एटी-डून खान्थिखौं बायदोंमोन। भारतयारि अख्बां सान्थिआ बे खान्थिखौं 2 बिलियन रंआव बायदों। बेखौं मार्च 2024 माइथायाव भारतयारि अख्बां सान्थियाव सोफादेरनाय जागोन।□

(□ 1 बिलाइनिफ्राय)

जेँपाराआव सान 5 नि हाबाफारिजों दौल फोबों खुंनो साखा-फारा खालामगासिनो

मार्चखालि सानजौफुयाव भागवत फरायथिनाय, नाम आक'ज, बर' कृस्टि दिन्थिफुनाय जागोन। हरनि 8 रिगानिफ्राय खुंनो गोनां दुलारइ आसाम थाखोनि मोसानाय बादायलायनायखौं बेखेवनानै होगोन कमतापुर गावखुंथाय हार्थुनि मावफुं सोद्रोमा प्रनबन्धति बर्मनआ। दुलारइ आसाम थाखोनि मोसानाय बादायलायनायाव बाहागो लानो थाखाय आसामनि दाब-दाब जायगानिफ्राय बादायगिरिफोरखौं 8638293571 नम्बरआव सिगांग्रौयै जगाजग खालामनो दौल फोबों बान्ज्या आफादआ खावलायहरदों। 27 मार्चखालि फुंनि 10 रिगानिफ्राय भागवत फरायथिनाय आरो नाम किर्टन खुंनया जागोन। बेलासिनि 4 रिगानिफ्राय बिमा लक्ष्मी खारताल दोलोआ खारताल दिन्थिफुंगोन। हरनि 7 रिगानिफ्राय खुंनो गोनां गेवलां मेल आरो बान्था रान्नाय हाबाफारियाव होंखायजानाय आलासि महरै आसाम सरकारनि केबिनेट मन्थि रन्जित कुमार दास, एमएलए फनिधर तालुकदार, एमएलएल मनरन्जन तालुकदार, सालबारि महकुमानि महकुमा बैंगिरि निलुतपल पाठक, फाहामथाय बिबानगिरि डा: बलराम बर्मन आरो समाज सिबियारि उतपल दासआ बाहागो लागोन। हरनि 9:30 रिगायाव हारिसु दिन्थिफुनाय हाबाफारिनि जौसांखौं बेखेवनानै होगोन बिटिसिनि मावफुं सोद्रोमा गौतम दासआ। हारिसु दिन्थिफुनाय हाबाफारियाव मेशाइ रोजावगिरि प्रानदिपआ बाहागो लागोन। 28 मार्चखालि फुंनि 9 रिगानिफ्राय भक्तपोरनि हलि किर्टन, आइजोफोरनि आसार-खान्थिथियारि बिथा सौनाय आरो लारु बानायनाय फोबों आरो बेलासियाव औवा सिमफायनाय फोबों खुंनय जागोन।□

आसाम जुडिसियेल सार्भिसयाव उथिसार जानाय नेलसन बर' खौं दुलाराय बर' फरायसा आफादआ वरायदों

गाहाइ नेहाथारि खनिन्द्र बसुमतारिनि बिथोन बादिचै आसाम जुडिसियेल सार्भिसआव उथिसार जानाय सनितपुर जिल्ला डैकियाजुलिनि नेलसन बर'खौं नख'रआव थानानै बरायदों। बरायनाय हाबाफारियाव मिरु एबसुनि बुंथिगिरि मानगोनं अबित नार्जोरिजों लोगोसे सनितपुर जिल्ला एबसुनिफ्राय फारिचै नेहाथारि बगाराम मोसाहारि, लोगो बुंथिगिरि आदिम स्वर्गियारी, सोल्लोंथाइ नेहाथारि रिजय बसुमतारि आरो लोगो सोल्लोंथाइ नेहाथारि जाफुं नार्जोरिजों लोगोसे डैकियाजुलि, हुग्राजुलि, सा-डैकियाजुलि आरो बेलसि दख'रा एबसुआबो बरायो।□

गसाइगावआव तूनमुल कंग्रेसनि बिजाथि गौरि शंकर

शरनियाआ दोलोनो मावथिफोरजों मेल जथुमदों

बायदिनो आसाम तूनमुल कंग्रेस दोलोआबो दोलोनो फोसावदिनाय हाबाफारिखौं गोखौं खोलामनायखौं नुनो मोन्नाय जादों। दोलोआ बिजाथिनि मुं फोसावनायनि उनावनो बियाबनि दैदेनगिरि-मावथिफोरजों लोगोसे बिजाथि गौरि शंकर शरनियाआ बिसायख'थिनि फोसावदिनायाव गोखोडे'नांथाबदों। बियाबनि दाब-दाब जायगाजों लोगोसे दिदँ गसाइगाव आवबो नुजाथिहैनानै दोलोनो मावथि आरो राइजो-रजाफोरजों तूनमुल कंग्रेसनि बिजाथियाव सावरायलयो। खौरं बिजॉनि सिगाडव बिजाथि गौरि शंकर शरनियाआ बुडेदि, बियाबनि राइजो-रजाफोरनि गासैबो जेनाफोरनि सुलु लानानै सुखानो खोथा होनानै राइजो-रजाफोरनि खाथियाव बिसायख'थिनि फोसावदिनाय जागोन आरो राइजो-रजाफोरनि हेफाजाबजों गोबां भटआव देरहागोन होन्नानै बिथाड बुडे। गुबुन फार्सेँथि, बिथाड बुडेदि, राइजो-रजाफोरनि हेफाजबजों देरहाब्ला अब्ला बियाब आरो बिटिसि ओन्सोलाव लोंग्रा दैनैफ्राय लानानै हानि जेना, राजखान्थियायि बिथिडव थानाय गासैबो जेनाफोरखौं सुखानायजों लोगोसे हाग्रानि मैदेर आरो सुबुनि गेजेराव सोमजिनया मोगा-मोगिनि जेनाखौं सुखानाय ओर बिटिसिआव सोलिथाय थानाय बर'-'अबर' दावराव दावसिखौं अरायथायै सुखानायनि बिथिडव रहा लानो थाखाय संसदआव गारं दैखंगोन होन्नानै बिथाड बुडे। गुबुन फार्सेँथि, एमपि नव' कुमार शरनियानि सोमोन्दै बिथाड बुडेदि, राइजो-रजाफोरनो खोथा होनायखौं मावफुंनयाव नव'कुमार शरनियआ फेल्ले जानायखौं राइजो-रजाफोरनि खाथियाव थानानै बिथाड मोन्थिथिनो हादों। बेनिखायनो राइजो-रजाफोरा सासे शरनियाखौं नागानानै गौरि शंकर शरनियाखौं सायख'गोन होन्नानै बिथाड दाबि खालामो।□

पहुमरा दैसायाव साथाम गथ'साफोरगब'दों

जाथाया ओन्सोल नाडैनो दुखुनि साया सागलोबो। मख'नो गोनांदि, दिदँ बेलासिनि 3 रिगायाव कुरनबाहा फोथार गामिनि साब्रे उन्दै हिन्जावसाफोरा पहुमरा दैसायाव दुगैबाय थानाय समावनो हरखाबै साब्रेबो दैसानि दाहारजों बुखारलंजायो। खाथियाव दुगैबाय थानाय सुबुफोरा सानै हिन्जावसाफोरखौं बोखानो हायोब्लाबो एलिजा खतुन आरो आपसाना खतुन मुनि सानै हिन्जावसाया दैसायाव गब'थो। बेनि उनावनो पुलिस आरो एसडिआरएफ हान्ज्या जाथायथिलियाव नुजाथिहैनानै नागिरनाय हाबाफारि लायो। एसडिआरएफ हान्ज्या मोनाबिलिनि 5:30 रिगायाव पहुमरा दैसायाव गब'नाय एलिजा खतुन आरो आपसाना खतुननि गोथै सहखौं बोखानो हायो। गुबुन फार्सेँथि, मैया सानजौफुयाव दिदँ सोमजिनय जाथायथिलिनिफ्राय गासै 300 मिटारसो गोजानाव थानाय कातला फोथार गामियाव पहुमरा दैसायाव गब'नानै कुनाल नाथ मुनि सासे 9 बोसोर बैसेनि सासे गथ'सानि जिउ गोमायो। बे जाथायाव जिउ गोमानाय कुनाल नाथनि बिफाननि न'आ उत्तर प्रदेशआव। कुनालआ बिमाजों कातला फोथार गामिनि बिमायनि न'आव बावैसो सिगां आलासि जाफेदोंमोन। मैया कानुलआ पहुमरा दैसायाव दुगैनो थानानै दैसायाव गब'नानै जिउ गोमायो। पहुमरा दैसायाव बे बायदि साथाम गथ'सानि जिउ गोमानाय ओन्सोलनि राइजो-रजाफोरनि गेजेराव दुखुनि सायख' सोग्लोबोंदों।□

खिख'सालि होनो हायैफोरा इभिएमनि सायाव सन्देह खालामोः स्मृति इरानी

होनो हायाखिसै, बेखौं लानैबो कंग्रेसआ बिजेपिनि सायाव सन्देह खालामो। मुखिम इरानीआ बुंबावयोदि, बिसायख'थि आयगआ बुंबोबाय थादों फै आरो इभिएम टेस्ट खालाम। नाथाय बिथामोनहा खेबसेबो थांफेरखै। बिथामोनहा खेबफ्रोमबो नंखाय बाश्राजों अजद लाबोबाय थयो। बे बियाबनि भटारफोर थानाय 10 बोसोराव मदिनि फारसे अन्सायनाय होनानै खुंथाय गोहोयाव लाबोनायनि मदत होनानै फैदों। बे बियाबखौं 50 बोसोर गान्धी नख'रनि सोद्रोमाफोरानो सामलायनानै फैदों, नाथाय बिसोरो खिख'र सालिखौनो होनो हायाखै। मदि फैनायनि उनावसो बेफोरो लुफुंजादों। कंग्रेसनि लोगो दोलो अखिलेसनि सरकारबो बे बियाबआव खुंथाय सामलायनानै फैदोंमोन, अब्लासिम गान्धी नख'र 50 बोसोरसिम गावसोरनि गोखौं खरनि सुबुफोरनो गुदि खाबुखौंबो होनो हायाखिसै।

आली अब्बस जाफारआ मोनसे भिडिअ शोयार खालामदों

अक्षय कुमार आरो टाइगर श्रफनि 'बड़े मिया छटे मिया' सावथुननि रिलिजआ खाथिसिनाव सौफै बाय। सावथुननि रिलिजनि सिगानिफ्रायनो अक्षय कुमार आरो टाइगर श्रफआ सावरायजागासिनो दड। बे समाव मोनसे भिडिअ नुजाथिदों। बे भिडिअखौ 'बड़े मिया छटे मिया' सावथुननि दिथागिरि आली अब्बास जाफारआ इन्सटग्रामआव शोयार खालामदों। बे भिडिअआव सानै सुबु'खौ गराइआव जिरायनाय नुनो मोन्नाय जादों। बे बिसोर सानैनिबो मोखांखौ नुनो



मोन्नाय जायाखै। सानैनिबो नुथायखौ उनथिंजायनिफ्राय रोखायै नुनो मोन्नाय जादों। बे भिडिअखौ पस्ट खालामनानै


'भेदा' सावथुननि टिजारआ रिलिज जाबाय



थानाय दानाव 'भेदा' सावथुनखौ फोसावनायजों लोगोसे बे सावथुननि मोनसे दोहोंगों परतारखौबो फोसावनाय जादोंमोन। बे समनिफ्रायनो बे सावथुननि बागै सुबुंफोरनि गेजेराव गोबां दोहों आरो नेनानै थानायखौ नुनो मोन्दों। सावथुनाव शर्भारी वाघआ जन आब्राहमजों लोगोसे गाहाइ फाव खालामदों। फेनो गोनों सावथुन 'भेदा' नि टिजारखौ 19 मार्चआव रिलिज खालामनाय जाबाय। बेयाव जन आब्राहम आरो शर्भारी वाघखौ एक्शन आरुआव नुनो मोन्नाय जादों। टिजारखौ शर्भारी वाघजों जागायजेन्नाय नुनो मोन्दों। बिथाड सासे बिग्रायारिनि फाव खालामदों आरो खाथिनि बेरेखायै बाधा दैखादों। भेदाआ गावनि मोन्थायनि थाखाय बिग्रायनायाव गोबां जेनाफोरखौ जुजिनदों। भेदाया गोब्राव थासारिफोरवबो बिखा फोरदाना गसथेनानै थायो। मोनसे दोहोंनि उनाव सावथुननि टिजारआव जन आब्राहमखौ नुनो मोन्नाय जायो। बिथाड बुडो, 'आं नंजलायनो रोड, आं खालि दावहा नांनोल' रोंगों। जेव्हा सुथुरफोर सोडो बियो सोर अल्ता जन आब्राहमआ गावखौ बिफा होन्ना बुडो। टिजारआव आबुं अन एक्शनखौ नुनो मोन्नाय जादों। जन आब्राहम आरो शर्भारी वाघआ सुथुरफोरखौ फोजेबसांनो थाखाय ज'यै सिगां फार्से आवगायलाडो। तमन्ना भाटियाखौबो मोनसे सीनआव नुनो मोन्नाय जादों। 'भेदा' सावथुना 12 जुलाइ, 2024 खालि सिनेमाहलफोरव रिलिज जागोन।

अन्सायगिरिफोरा आराध्याखौ एश्वर्य रायजों रुजुदों

अभिषेक बच्चन आरो एश्वर्य रायनि फिसाजो आराध्याआ सावरायजागासिनो दड। एश्वर्य रायआ बावैसो सिगां इनस्टग्रामआव मोनसे पस्ट शोयार खालामदों, जेराव बिथानि फिसाजो आराध्याखौबो बिथानि लोगोसे नुनो मोन्नाय जादों। बिथानि बे सावगाारिखौ नुनायनि उनाव अनसायगिरिफोर गोबां फिनजाथाय होगासिनो दड आरो आराध्याखौ बिथानि बिमा एश्वर्य रायजों रुजुगासिनो दड। एश्वर्य रायनि बिफा कृष्णराज रायआ 18 मार्च, 2017 आव जोबथा हां बोदोंमोन। बे समनिफ्रायनो बोसोरफ्रोमबो फावखुंनिआ गावनि बिफानि गोसोखांथियाव मोनसे इनस्टग्राम पस्ट शोयार खालामो। थानाय समबार खालि एश्वर्यआ गावनि बिफानि



गोसोखांथियाव माखासे गोजाम आरो गोदान सावगाारिफोर पस्ट खालामदोंमोन। बेफोरनि गेजेराव मोनसेआ उन्दै समाव आराध्याआ गावनि बिबौखौ खुदुमनायनि मोनसे सावगाारिमोन, जेराव एश्वर्यखौ गावनि फिसाजो आराध्या आरो

उरां सान्थि हान्जाया एलसिए मार्क-1ए उरांखौ मोनसिगोन



गोदान दिल्ली, 19 मार्च: हिन्दुस्तान एयारनटिक्स लिमिटेड (एइएसएल) आ सोलिफु दाननि जोबथासिमाव उरां सान्थि हान्जाओ गिबिसिन एलसिए मार्क-1ए दावहा नांरा उरांखौ गथायना होनो हागौ। सुलुनि बायदिब्ला, सरकारि कम्पनी एइएसएलआ थाबैनो उरां सान्थिनो गिबि दुविन-

सिटर ट्रेनार उरांखौ थाबैनो डिलिभारि खालामनायनि हाबाफारि मावगासिनो दड। मख 'जाथावदि, उरां सान्थिआ गं 83 एलसिए उरांफोरनि थाखाय एइएसएलजों 48,000 कौटि रंनि बांसिन बेसेनजों कन्स्ट्रक्टआव मुंसाइ होलायदों। फार्सेथिं 65,000 कौटि रंआव गं 97 गुबुन उरां बायनो थाखायबो गनायथि मोन्नो हादों। मख 'जाथावदि, एलसिए मार्क 1 उरांखौ 2016 आव गिबियै उरां सान्थिआव थिसन्नाय जादोंमोन। एयार चिफ मार्सेल भिआर चौधुरीआ गं 97 एलसिएनि गनायथिखौ जारिमिनारि होन्ना बुदोंमोन।

गावनि बिमा वृन्दा रायजों लोगोसे नुनो मोन्नाय जादों। बिथानि बिफा कृष्णराज रायनि सावगाारिखौ बेकग्राउन्डआव नुनो मोन्दोंमोन। गुबुन मोनसे सावगाारिआव आराध्याखौ गावनि बिमा आरो बिबैजों नुनो मोन्नाय जादों। बे सावगाारिखौ नुनानै अन्सायगिरिफोर गोबां

फिन जाथायफोर होगासिनो दड। माखासे अन्सायगिरिफोरनि बादिब्ला, आराध्याआ देरबोनायजों लोगोसे बिथानि लुक आ गावनि बिमा एश्वर्य राय बादि जाबोगासिनो दड आरो माखासे अन्सायगिरिफोर आराध्याखौ गावनि बिमानि कार्बन कपि होन्ना नै बुदों।

प्रियंका चप्रा आरो निक जनासखौ फरहान आख्दारनि न'आव नुनो मोन्दों

प्रियंका चप्राया आथिखालाव मुम्बाइआव फेनानै दड। बावैसो सिगां फावखुंनिआ मालतीजों लोगोसे लस एन्जेल्सनिफ्राय भारतआव फेदोंमोन। बेनि सानैसोनि उनाव निक जनासआवो भारतआव सौफैदोंमोन। मुम्बाइ बिरखं गाथोननिफ्राय बिथानि गोबां भिडिअफोर सशेल मिडियाआव भाइरेल जादोंमोन। आथिखालाव प्रियंका चप्रा आरो निक

भिडिअनि बेकग्राउन्डआव मोजां देखेबो खोनानो मोन्नाय जादों। मिथिहोनाय जायोदि, 'बड़े मिया छटे मिया' सावथुना मोनसे एक्शन सावथुन। बे सावथुनखौ आलि अब्बस जाफारआ दिथा होदों। बे सावथुनखौ ईदनि फालिथाइयाव सिनेमाहलफोराव रिलिज खालामनाय जागोन। सावथुननि गासैबो स्टारकास्टफोरा बे सावथुननि फोसावनायाव मुखुब जाना दड। साउत स्टार पृथ्वीराजखौ बे सावथुनाव गाहाइ भिलेननि फावआव नुनो मोनगोन।

तनुश्री दत्तआ सावथुन मुलुगनिफ्राय हरखाबै जानगार जादोंमोन

तनुश्री दत्तआ आथिखालाव गावनि 40 थि जोनोम सान फालिदों। फावखुंनिआ 2005 माइथायाव आशिक बनाया आपने सावथुनजों बलिउड मुलुगआव आगान होजेन्दोंमोन। नायगिरिफोरा बे सावथुनखौ जोबोद मोजां मोन्दोंमोन आरो इमरान हाशमीजों लोगोसे तनुश्री दत्तनि केमिस्ट्रीखौबो जोबोद मोजां मोन्दोंमोन। बे सावथुननि अनगायैबो तनुश्री दत्तआ गोबां सावथुनफोरवबो नुजाथिदोंमोन। बबेखानि माखासे समफोरनि उनाव फावखुंनिआ धोरोमारि सान्थौखौ सायख 'दोंमोन। तनुश्री दत्तनि जोनोमआ 19 मार्च 1984 आव झारखन्डनि जामशेदपुरआव मोनसे बंगली नख 'आव जादोंमोन। बिथाड बे जायगानिफ्रायनो गावनि फरायसालिनि सोलौंथायखौ फोजोबदोंमोन। गावनि ग्रेजुएटसखौ खालामफाबाय थानाय समावो बिथाड मडेलिं खालामनो जागायदोंमोन आरो गावनि फरायनायखौ गेजेरावो नागारदोंमोन। 2004 माइथायाव



फोरमायदोंमोन, जायनि उनाव बिथाड सावथुनफोरव खामानि मोनाखैमोन। 2013 माइतायाव फिल्मफेयारआव होनाय मोनसे मोगा-मोगिआव तनुश्री दत्तआ फोरमायदोंमोनदि, बे जाथायनि उनाव बिथाड खामानिनि सोमोन्दै गोबां सावथुन दिहुनगिरिफोरनो खौरांबो देशावहरदोंमोन, नाथाय रवबो फिननाय होयाखैमोन। बेनि उनाव बिथाड हमादोनो हादोंमोनदि, बिथाड धोरोमारि सान्थौजों सोमोन्दो लाखिनांगोन। बिथाड धोरोमारि सान्थौजों सोमोन्दो लाखिनो थाखाय ओरैबादि गोसो गुदुमोनदि, बिथाड गावनि खानायखौ लान्था सिन्दोंमोन।

गाहाम देहानि राहा

बादाम आरो आपेल जायोब्ला मेगननि नुथाया मोजां जायो

नो'थाड। आथिखालाव उन्दै गथ'फोरखौ चरमा गान्नाय नुबाय जानांगौ। सिगां समाव मेगननि नुथाया लोरबां जानायखौ बैसो बांलानायजों लोगोसे नुनो मोन्नाय जायोमोन, नाथाय आथिखालाव बेबादि नुनो मोन्नाय जायाखै। बेनिकायनो मेगनखौ मोजाडै जोथोन लानाया गोनांथार। मेगननि नुथाया लोरबां जानाया मोनसे जोबोद गिदिर जेना। बेनि थाखाय गावनि जाग्रा आदारफोरव नोंथाड माखासे बेसादफोरखौ सोफादेरनांगोन, जाय नोंथानि मेगनखौ मोजां आरो गोखौ खालामगोन। बेनि थाखाय बादाम आरो आपेल जानाया नोंथानि मेगनखौ मोजाडै लाखिनायाव मदद होगोन।



(1) मेगननि थाखाय आपेल: आपेलआ नोंथानि मेगननि नुथायखौ सावसिन खालामो। बेयाव एन्टिअक्सिडेन्ट थायो, जाय मेगननि थाखाय मुलाम्फा गोनां। आपेल जानाया अक्सिडेन्टिब स्ट्रेसखौबो बाडइ खालामो। बेयाव भिटामिन ए थायो, जाय मेगननि रेटिनाखौ मोजां खालामो। बेयाव अमेगा 3 फेटि एसिडबो मोन्नाय जायो, जाय मेगननि जिब्रिफेरेव थानाय मेम्ब्रेननि दाथायखौ फोसाबो।

(2) मेगननि थाखाय बादाम: बादामआव भिटामिन इ मोन्नाय जायो, जाय मेगनखौ अक्सिडेन्टिब जेनानिफ्राय रैखा खालामो। बादामआव भिटामिन एबो मोन्नाय जायो। बेयो मेगननि रेटिनाखौ मोजाडै लाखियो। बेयाव अमेगा 3 फेटि एसिडबो मोन्नाय जायो, जाय मेगननि बुनायखौ बाडइ खालामनायाव हेफाजाब होयो। बादाम जायोब्ला मेगननि नुथायाबो सावसिन जायो।

'सेतान' सावथुननि फालांगिया समबारखालि गाहायाव फेदों

बिकास बहलजों दिथाहोजानाय 'सेतान' सावथुना नायगिरिफोरनि गोसोखौ बोनो हादों। बे सावथुना खालि 10 साननि गेजेरावो 100 कौटि रंनि क्लाबाव हाबनो हादों। सोलिफु बोसोरनि जागायजेन्नायाव फाइटर सावथुननि उनाव सेतान सावथुना बर्यनिखुइ सावसिन फालांगि खालामदों। अजय देभगान आरो आर माधवन स्टारर सेतान सावथुना 8 मार्चखालि सिनेमाहलफोराव रिलिज जादोंमोन। सावथुना बक्स अफिसआव मोजाडै जागायदोंमोन। गिबि सप्ताहया सावथुननि थाखाय जोबोद दोहों गोनांमोन। 'यध्दा' आरो 'बास्तार' सावथुनफोरवो सेतान सावथुनखौ जेबो खहा फेदों। सेकनिल्कनि आर्ली



खालामनो हायाखैमोन। नाथाय आथिखालाव बेनि फालांगिया गाहायाव फे बाय। सेतान सावथुना वीकेन्डआव जाफुंसारो हादों। सावथुना थानाय शनिबारखालि 8.5 कौटि रंनि फालांगि खालामदोंमोन आरो थानाय रबिबाराव 9.75 कौटि रंनि फालांगि खालामदोंमोन। बबेखानि थानाय समबाराव फालांगिया 6 कौटि रं गाहायाव फेदों। सेकनिल्कनि आर्ली

ट्रेडनि बायदिब्ला, सेतान सावथुना थानाय समबाराव नख'रि बक्स अफिसआव 3 कौटि रंल' फालांगि खालामदों। बबेखानि थार अनजिमाया बेनिफ्राय बांसिन एबा खमसिन जानो हागौ। सावथुना दासिमाव गासै 106 कौटि रं आर्जिनो हाबाय। सेतान सावथुना गुजराती सावथुन 'भस' नि मावख'आरि हिन्दी रिमेक सावथुन।

रोजाबगिरि फाजिपुरियानि सायाव पुलिसआ नायबिजिरसंगोन

बिग बस अटिति 2 नि देरहागिरि एलबिश यादबआ गावनि माखासे गोरोन्थि आयदाफोरनि थाखाय सावरायजागासिनो दं। बिथानि नयदा पुलिसआ रेश पार्टिआव जिबौनि बिष बाहायनायनि थाखाय खादोंमोन आथिखालाव मोनसे खोरांआ सोराडाव फेदोंदि, नएदा पुलिसआ थाबैनो रोजाबगिरि फाजिलपुरियानोबो बे आयदानि सायाव नटिस दैथायहरनो हागौ। पुलिसनि सोंनाय फिननायाव एलबिश यादबआ पाजिलपुरिनि पार्टिनि बागै मख 'दों। एलबिश यादबआ बेखौबो सिमान जादोंदि, बिथाड फाजिलपुरियानि पार्टिआव जिबौनि मोनसे भिडिअ



बानायदोंमोन। जिबौजों लोगोसे बानायनाय एलबिश यादब आरो फाजिलपुरियानि भिडिअआ आथिखालाव नयदा पुलिसनि राडाराव दड। पुलिसआ फाजिलपुरिया आरो जिबौ हमप्रा पाहुलनि गेजेरनि सोमोन्दोनि

बागैबो नायबिजिरासिनो दड। बेखौबो बुनाय जादोंदि, एलबिश यादबआ बे बाथ्राखौबो सिमान जादोंमोनदि, बिथाड राहुलजों लोगोसे गासैबो दायनिगिरिफोरखौ गुबुन गुबुन रेश पार्टिफोरव लोगो मोनदोंमोन

आरो बिसोरजों सिनायथि दंमोन। नएदा पुलिसआ एलबिश यादबनि सायाव 29 एनडिपिएस एक्ट जाबसिन्दों। बे आयेननि सिडाव खाजानाय दायनिगिरिफोरा गाल्लैयै जािमिन मोना।



आख्दारनि न'नि बायजोआव पेपराजीफोरा नुदोंमोन। फावखुंनिखौ नीला गाबनि

साटिन ड्रेसआव नुनो मोन्नाय जादों। निक जनासखौ गोसोम सार्ट, पेन्ट आरो गोजा टफि

गान्नाय नुनो मोन्नाय जादों। एक्सेल एन्टरटेनमेन्टनि क-अनार रिशेश सिधुभानीआवो फरहान आख्दारनि न'आव सौहैदोंमोन। प्रियंका चप्रा आरो निक जनासनि भिडिअआ सशेल मिडियाआव भाइरेल जागासिनो दड। बे जथुमायाव 'डन 3' सावथुननि बानायगिरिफोर बाहगो लादोंमोन। बेबादि थासारियाव अन्सायगिरिफोर सावथुननि खामानिया दावगालासिनो होन्ना मिजिथिदों।

दिल्ली-सिमला, मुम्बाइ-पुणेजों लोगोसे माखासे गोलाव लामाफोराव इलेक्ट्रिक बास खारसिगोन

गोदान दिल्ली, 19 मार्च : लामा हान्था-मेला आरो राजा लामा मन्थि नितिन गाडकारिया थानाय समबारखालि बुडेदि, सरकारनि फेगो 5 बोसोरनि गेजेराव गासै भारतआरि सहरफोरजों लोगोसे दिल्ली-सिमला, दिल्ली-छन्डिगाड आरो मुम्बाइ-पुणे बायदि माखासे गोलाव लामाफोराव इलेक्ट्रिक बासफोरखौ जागायनो बिथाखि लादों। बेनि सोमोन्दैयै मन्थिया बुडेदि, बेतरनि बेसेनफोराव दाव खलियनो दावबायारिफोरनि थाखाय बासनि भारया 30 जौखोन्दो खम जागोन। लोगोसे आबहावा गुबुलेखौ खम खालामनायावबो मदत मोनगोन। मन्थिया फोरमायनाय बायदिब्ला, लिटियाम आइस बेतरनि बेसेना 150 डलारनिफ्राय दावखलायनानै मोनफ्रोम किल'वाट मोनफ्रोम घन्त्याव 112 डलार जाहैबाय। बेबायदिदा हादतआव बे सेगमेन्टआव 350 जौखोन्दो



बानायनि जाहोनाव जादों। बेनि सोमोन्दैयै मिरुआरि मन्थिया बुं'बावदोंदि, जेला बियो दावखलायनानै 100 डलार जागोन अब्ला सालायनायनि बेसेना पेट्रल आरो डिजेल गारिफोरनि समाज जागोन। जुदि 1 दानाव पेट्रल गारिफोराव 20-25 रोजा रं खरसा खालामोब्ला एलेक्ट्रिक गारिफोराव 2 रोजा रं' खरसा खालामनांगोन। बेनि गेजेरजों हादतआव इभि बानायनायाव गोखैथि लाबेदों आरो गासै सेगमेन्टआव दिहुथाइखौ बांहोगासिनो दड।

आधिखालाव हादतआव गं 400 इलेक्ट्रिक स्कुटर बानायग्रा दड, जोंनियाव 60 किल'मितारनि रेन्स गोनां इलेक्ट्रिक स्कुटर बानायग्रा दंसै होन्ना गाडकारिया फोसमायदों। बिथाख बुं'बावदोंदि, सरकार इभि बानायनो थाखाय गोदान नेम-खांथि लाबेदों। टेक्स बिफाना थानाय शुकुबारखालि बुदोंमोनदि, बे नेम-खांथिखौ इभि बानायग्राफोरनि गेजेरजों इ गारिफोरनि बिथिखव इन्भेस्टमेन्ट खालामनो गोसो बोनो हानायनि थाखाय खालामदों। बे नेम-

खांथिया बै गुबुन हादतयारि कम्पानीफोरनि थाखाय मिनिमाम 4,150 कौटि रं (50 कौटि डलार) नि इन्भेस्टमेन्टखौ थि खालामो, जाय हादतआव इलेक्ट्रिक गारि बानायनाय सुबिधाफोरखौ गाइसन्तो लुबैयो। बे बिथाखिनि थांथिया एलन मास्कनि दैदेनाय टेस्ला बायदि गाहाइ बायदि इभि बानायग्राफोरखौ इन्भेस्टमेन्ट खालामनो गोसो बोनाय। बेयाव इन्भेस्टमेन्टनि सायाव जेबो सम सिमनाखौ थि खालामना होनाय जायाखै।

हलनि समाव गुजरातनिफ्राय बिहार थांग्रा माखासे स्पेशेल ट्रेनफोरनि बुकिंआ जागायबाय

गोदान दिल्ली, 19 मार्च : फोर्बांआव गोबां होंगो-दोंगोखौ नोजोर होनानै सोनाब रेलवेआ मंगलबारनिफ्राय गुजरातनिफ्राय बिहार थांग्रा गंनै ट्रेनफोरनि बुकिंखौ जागायबाय होन्ना फोसावो। आहमेदाबाद आरो दानापुरनि गेजेराव गंसे ट्रेनआ खारगोन आरो गुबुन मोनसेया सुरत आरो बरौनीनि गेजेराव खारगोन। बेबायदिदाव जुदि नोंथाडबो गावनि न' एबा नख'रनि सुबुंफोरजों लोगो हमनो हलियाव थानो सान्दोंब्ला बे गंनै ट्रेनफोराव दिनेनिफ्राय टिकेट रिजाभिसन खालामनो हागोन। सोनाब रेलवेआ बे गंनै ट्रेनफोरनि टाइमखौबो फोसावना होबाय। बे ट्रेनफोरनि अनगायैबो सोनाब रेलवेआ जर'खा भारयाव आलादा आलादा जायागोरनि थाखाय गं 8 जर' स्पेशेल ट्रेनफोरबो सालायगासिनो दड। दावबायारिफोरनि सुबिधानि थाखाय सोनाब रेलवेआ आहमेदाबाद आरो दानापुरनि



गेजेराव हलि स्पेशेल ट्रेनफोरखौ सालायगोन। बेनि गेजेरजों ट्रेन नाम्बार-09403 आ आहमेदाबादनिफ्राय 24 मार्च एबा रविबारखालि फुनि 7:20 रिगायाव खारगोन आरो 25 मार्च एबा समबारखालि 19:30 रिगायाव दानापुर सौहैगोन। बेबायदिनो ट्रेन नाम्बार-09404 आ दानापुरनिफ्राय 25 मार्चखालि 22:30 रिगायाव रावना होगोन आरो 27 मार्च एबा बुधबारखालि 10:15 रिगायाव आहमेदाबाद सौहैगोन। सोनाब रेलवेया हलि स्पेशेल

सुपार पास्ट स्पेशेलबो सालायगोन। बेनि गेजेरजों ट्रेन नाम्बार-09093 आ उधनानिफ्राय 19 मार्च एबा मंगलबारनि 23:55 रिगायाव खारगोन आरो 21 मार्च एबा बृहस्पतिबारखालि 01:30 रिगायाव आरा सौहैगोन। बेराफारसे ट्रेन नाम्बार-09094 आ आरानिफ्राय 21 मार्चनि 03:30 रिगायाव खारगोन आरो अखानायै 22 मार्चनि 07:15 रिगायाव भलसाड सौहैगोन। बेनि अनगायैबो दावबायारिफोरनि सुबिधानि

थाखाय सोनाब रेलवेआ सुरत आरो बरौनीनि गेजेराव हलनि स्पेशेल ट्रेनफोरखौ सालायगोन। ट्रेन नाम्बार-09053 आ सुरतनिफ्राय 23 मार्च एबा शनिबारखालि 08:05 रिगायाव खारनानै अखानायै रविबारखालि 17:00 रिगायाव बरौनी सौहैगोन। बेबायदिनो ट्रेन नाम्बार-09054 आ बरौनीनिफ्राय 24 मार्च एबा रविबारखालि 20:00 रिगायाव खारनानै 26 मार्च एबा मंगलबारखालि 05:45 रिगायाव सुरत सौहैगोन।

एयार इन्डिया एक्सप्रेसआ गोलोम बोथोरनि थाखाय सेडुलखौ थि खालामदों

गोदान दिल्ली, 19 मार्च : भारतयारि एयारलाइन एयार इन्डिया एक्सप्रेसआ फेगो सामार सेडुलनि समाव गं 360 निखुड बांसिन डेलि फ्लाइटफोरखौ सालायगोन। एयारलाइनआ मोनसे गोखौ थांथिजों लोगोसे गावसोरनि अपारेशनखौ मख'जाथावै बांहोनो थाखाय थियारि जादों। एयारलाइन्सनि ग्लबेल कानेक्टिभिटीखौ नोजोर लाखिनानै एयार इन्डिया एक्सप्रेसआ गावसोरनि इन्टरनेशनल सार्भिसेसखौ 20 जौखोन्दोनिखुड बांसिन बांहोनो मिजिथिदों। फाइनानसियेल एक्सप्रेस खौरनि बायदिब्ला टाटा ग्रुपनि दैदेनायाव एयार इन्डिया एक्सप्रेस एआइएक्स कानेक्टजों लोगोसे रादाय खानायनि हाबाफारि लादों आरो

बिसोर मोन्ने एयारलाइननि फ्लाइटफोरखौ गावसोरनि सामार सेडुलआव सोफाबाय। खौरनि बायदिब्ला एयारलाइनआ थानाय समबारखालि मोनसे फोसावदिआव बे बाश्रानि खौर होदों। एयारलाइननि थानाय बोसोरनि सामार सेडुलनि रुजुनायाव नख'रारि उरां जाहाजफोराव 25 जौखोन्दोनिखुड बांसिन आरो इन्टरनेशनल उरां जाहाजफोराव 20 जौखोन्दोनिखुड बांसिन बांहोगोन। बेनि ऑथिया उफ्रा गं 55 नख'रारि उरां जाहाजफोर आरो गं 19 हारिमायारि उरां जाहाजफोर दड। जायजों गासै जथाइनानै गं 259 नख'रारि आरो गं 109 उरां जाहाजफोर थागोन। सरासन्नायै सामार सेडुलनि हाबाफारिआ मार्चनि जोबथा



रविबारनिफ्राय अक्टबरनि जोबथा शनिबारसिम सोलिगोन। 2024 आव एयार इन्डिया एक्सप्रेसआ आबुधाबि, दम्मम, जेहा आरो शारजाहजों लोगोसे माखासे बे'गुरा सुबुंफोरनि थाखाय गावसोरनि सुबिधाखौ बांहोनो थाखायबो थियारि खालामदों। बे एयार

लाइन्सआ आधिखालाव गं 67 उरां जाहाजफोरनि हान्जाखौ सालायो, जेराव गं 39 बई 737 आरो गं 28 एयारबेस गं 320 आ दंफायो। एयार इन्डिया एक्सप्रेसआ फेगो एप्रिल दानाव कलकतानिफ्राय इम्पल आरो कचिनि थाखाय डाइरेक्ट फ्लाइटबो जागायगोन। बे

फ्लाइटआ इम्पलनि थाखाय सामफ्रोमबो आरो कचिनि थाखाय सप्ताहयाव 6 सान खारगोन। कलकतानिफ्राय इम्पलनि थाखाय फ्लाइटआ फुनि 7 रिगायाव बिरगोन आरो फुनि 8:05 रिगायाव सौहैगोन। फेफिन्याय समा फुनि 7:35 रिगायाव रावना होगोन आरो 10:20 रिगायाव कलकता सौहैगोन। बेराफारसे कलकतानिफ्राय कचिनि थाखाय उरां जाहाजआ फुनि 11:25 रिगायाव बिरनानै सानजौफुनि 3:05 रिगायाव फेफिनगोन।

रसियाआ इउक्रेनजों दावहा नांनयाव गाग्लोबनायनिफ्राय फावसयनाय नडा

मस्क, 19 मार्च : रसिया आरो इउक्रे ननि गेजेराव दावहा सोलिगासिनो दड। बेनि गेजेरजों रसियाआव जानाय आधिखालनि बिसायख'थियाव ब्लाडिमिर पुतिनआ गोहोम गोनाडै देरहासारनो हानानै आरोबाव खेबसे रसियायनि हादतगिरि जायो। हादतगिरि जानाय लोगो-लोगो बिथाख सोनाबारि हादतफोरनो सांग्रांथि होयोदि, जुदि नाट'आ एक्टिभ दिन्थियोब्ला थामथि मुलुग दावहा जानायखौ रवबो हमथानो हानाय नडा। बेनि गेजेरजों पुतिनआ बिसायख'थियाव देरहासारनायनि उनाव आरोबाव खेबसे बिथानि गिदिर बिबुंथिया नुजाथिदों। पुतिनआ बुंदों मस्क'आ इउक्रेनआव गावसोरनि दखल खालामनायनिफ्राय जानगाराव थानाय नडा आरो बिसोर इउक्रे ननि गोलाव जान्थाइ आरो सिमना बारनानै गाग्लोबनायनिफ्राय रैखा खालामनो थाखाय मोनसे'बफर




जन' खालामनायनो बिथाखि लादों। अदेबानि रसियायनि सान्थिफोरा इउक्रेननि हेंथायै दावहाखौ जौगाखांहोदों। नथाय जौगाखानायनि बे गोखैथिया लासै जाबोगासिनो दड आरो बेसेन गोसा महैर फोरमान जादों। इउक्रेनआ रसियाआव थाव रिफाइनरि आरो डिपुखौ नोजोर होनो थाखाय गोलाव जान्थाइनि हाथियारफोर बाहायदों। इउक्रेनाव थानाय क्रेमसिननि मोनसे हान्जाया सिमना बारनानै गाग्लोबनायखौबो जागायबाय। बेनि गेजेरजों पुतिनआ ओन्सोलफोरखौ रैखा खालामनो

थाखाय बफर जन खालामनो थांथि लादों, जेराव सुथुरफोराव थानाय गुबुन हाथियारफोरखौ बाहायनानै हाबनाया गोब्राव जागोन। बेनि सिगां रसियायनि मिरुआरि बिसायख'थि आयगआ बुंदोंमोनदि, हादतआव जानाय हादतगिरि मासिनि रिक्ट'गोनाडै देरहासारना 5 थि खेब हादतगिरि जाबाय। अदेबानि पुतिनआ सोनाबारि हादतफोरखौ हादतगिरि जानाय लोगो लोगो आरोबाव खेबसे सांग्रांथि होबावदों होन्ना सुलुडव फोसमायदों।

आइएसआइनि बारग' गाहाइ फेज हामिदिनि फंबायखौ गेनाखांथि केसआव हमदों

लाहौर, 19 मार्च : पाकिस्तानआव बिसायख'थिनि उनाव शहबाज शरिफनि दैदेनायाव सरकार दानाय जादोंब्लाबो राजखांथियारि गुलु-गुजुआ दासिमबो सोलिगासिनो। एन्टि काराप्सन एफिसारफोरा मिथिहोदोंदि, पाकिस्ताननि पान्जाब राज्ज्योआव आइएसआइनि बारग' गाहाइ लेफ्टेनेन्ट जेनेरेल फेज हामिदिनि फं बायखौ गेनाखांथि केसआव हमदों। हामिदिनि फं बायखौ हमनाय आयदाखौ पाकिस्ताननि गोदान सरकारनि खिथेर लानानै गोखौ नायबिजिरनायनि नोजोरै नायनाय जादों। गेनाखांथि होबथा अथ'रिटिनि सासे



बुंथिगिरिआ फोरमायदोंदि, आइएसआइनि बारग' गाहाइ फेज हामिदिनि फं बाय आरो टेक्स बिबानगिरि नजाफ हामिदखौ गेनाखांथि खालामनाय आरो बिबानगिरिफोरखौ गात्रि खामानियाव बाहायनाय दायाव समबारखालि चकवालनिफ्राय हमो। थानाय 2017 आव नवाज शरिफखौ खुंथायनिप्राय

बोखलायनायनि दायनिगिरि सुबुंफोरनि हेंथायै आधिखालनि सरकारआव फेनाय पिएमएल-एन पाटिआ बेबादि नायबिजिरदों होन्ना नै बुंनाय जादों। मख'जाथावदि, फेज हामिदिआ 16 जुन 2019 निफ्राय लानानै 19 नभेम्बर 2021 सिम पाकिस्ताननि सांगलि एजेन्सि आइएसआइनि डिरेक्टर

जेनेरेलमोन। पान्जाबनि गिबि मन्थि मारियम नवाजआ शरिफनि नख'रनि हेंथायै नंखाय केस थिसन्यायनि दायनि थाखाय बारग' आर्मि सिफ जेनेरेल कमर जाभेद बाजवा, फेज हामिदि आरो पाकिस्ताननि बारग' सिफ जास्टिस साकिब निसारखौ कटआव लानाय आरो बिसोरखौ जेलआव दोन्याय आयदाखौ दैखांदोंमोन। थानाय 8 फेब्रुवारिआव पाकिस्तानआव जानाय सरासन्ना बिसायख'थियाव देरसिन पाटि महैर नुजाथिनो हानाय पिएमएल(एन) नि दैदेनायाव मिरुआव सरकार दादों आरो बारग' गाहाइ मन्थि नवाज शरिफनि फंबाय शहबाज शरिफआ गाहाइ मन्थि जायो।

इज्राइलआ आरो खेबसेबाव देहा फाहामसालियाव हमासनि उतखारिफोर खौसे जानायनि दाबि दैखांदों

रफह, 19 मार्च : इज्राइलनि रैखाथि हान्जाफोरा समबार फुडव गाजा पट्टीआव थानाय बयनिखुइ देरसिन देहा फाहामसालिखौ आरोबाव खेबसे नोजोर होदों। बेनि सोमोन्दै इज्राइलनि रैखाथि हान्जाफोरा फोरमायदोंदि, हमासनि उतखारिफोरा आरोबाव खेबसे देहा फाहामसालिखौ गावसोरनि केम्प खालामदों आरो देहा



फाहामसालि सिंनिफ्राय गुलि गावदों। बेराफारसै फिलिस्ताइनि बिबानगिरिफोरा बुडेदि, देहा फाहामसालियाव रोजा-रोजा सुबुंफोरा आस्रय लादों। सुलुंनि बायदिब्ला, इज्राइलनि सान्थिफोरा थानाय बोसोरनि नभेम्बर दानाव शिफा देहा फ 1 हा म स ि ल य ा व गाग्लोबदोंमोन। सान्थिफोरा दाबि दैखांदोंदि, हमासआ देहा फाहामसालि सिडव आरो बेनि गाहायाव मोनसे कामान्ड सेटर खालामदोंमोन। सान्थिफोरा माखासे हा सिंनि खथाफोरसिम थांग्रा मोनसे सुंगुखौबो मिथिनो मोन्दोंमोन आरो देहा

फाहामसालि सिंनिफ्राय हाथियार बोखांनो हादोंमोन। आधिखालाव दाबि दैखानायफोरनि फासै फोरमाना खम थानायनि जाहोनाव सावरायगिरिफोरा सान्थिफोरनि सायाव नोगोरारिफोरनि जिउखौ अलखदाव खोखलै नायनि दाय जाबसिन्दोंमोन। फासैथि देहा फाहामसालियाव थानाय सुबुंफोरा बुंदोंदि, टैक आरो गिलिर हाथियारफोरजों लेस जानाय इज्राइलनि सान्थिफोरा देहा फाहामसालिखौ बेखेवना लादों आरो देहा फाहामसालियाव थानाय

लाबाय थानाय अब्देल-हादि सइदा आ बे बाश्राखौ दाबि दैखांदों। बेनि सोमोन्दै गाजानि सावस्त्रियारि बिफानआ फोरमायदोंदि, इज्राइलनि बिल्डिफोरजों गाग्लोबगसिनो दड। बेजों देहा फाहामसालिनि गेटआव अर नांदों। बिफानआ फोरमायबावदों, गासै 30 रोजा सुबुंफोरा देहा फाहामसालियाव आस्रय लानानै दड, जेराव बेरमि, फाहामगिरि आरो बैसोर बायदि सुबुंफोराबो दंफायो, जायफोरा रैखाथि नागिरनानै गावबा-गावनि न' नागारना फेदों।

मुलुगनां गेब्रेनाय नोगोरफोरनि फारिलाइयाव दिल्लीआ फिन सेथियाव थादों

गोदान दिल्ली, 19 मार्च : दिल्लीआ फिन खनसेबाव मुलुगनि बयनिखुइबो बांसिन गेब्रेनाय राजथावनि होन्ना गनायथि जादों। हादरनि थाखाय, जस्रयै दिल्लीयाव थाग्राफोरनि थाखाय बेयो जोबोद गात्रि खोरां। फासैथि बिहारनि बेगुसराइआ मुलुगनि बयनिखुइबो बांसिन गेब्रेनाय नोगोररि ओन्सोल होन्ना गनाय जादों। स्विस् आफाद एकिउ एयारनि मुलुगनां आबहावावि



गुन रिपर्ट 2023 नि बायदिब्ला, बांलादेश आरो फाकिस्ताननि उनाव भारतआ थानाय बोसोरनि दर 134 हादरफोरनि गेजेराव 3थि बयनिखुइबो गात्रिसिन

आबहावा गोनां हादतमोन। बेनि सिगां भारतआ 2022 आव बे फारिलाइयाव 8थि नम्बराव दडमोन। नाथाय बेगुसराइ नोगोरनि मुज 2022

नि रेंकिं आव गैयामोन। दिल्लीआ 2018 निफ्रायनो लान्थियै 4थि खेब मुलुगनि बयनिखुइबो गेब्रे'सिन्नाय राजथावनि होन्ना गनायथि जादों। रिपर्टआव बुंदोंदि, भारतआव हमदांनय बादिथै 1.36 आरब सुबुंफोरा पिएम 2.5 कन्सेनट्रे सन्सखौ मोन्दांथियो, जाय डब्लिउएइसअआ थि खालामना होनाय बोसोररि बिथोनमानि थाखो 5

माइक्रुग्राम/घन'मितारनिबो बांसिन। लोगोसेनो 1.33 आरब सुबुं थामहिनबा भारतआरि सुबुं अन्जिमानि 96 जौखोन्दो, पिएम 2.5 नि थाखोखौ डब्लिउएइसअनि बोसोररि पिएम 2.5 बिथोनमाफोरनिफ्राय 7 गुन बांसिन मोन्दांथिनाय जायो। भारतनि 66 जौखोन्दोनि बांसिन सहरफोराव बोसोररि जौखोन्दोआ 35 माइक्रुग्राम/घन'मितारनि बांसिन।

सेपक स्टेडियमआव आरसिबिनि रेकर्डआ बयटवौबो सोमो नांहेदो

गोदान दिल्ली, 19 मार्च: इन्डियन प्रिमियर लीगनि 17 थि सिजननि गिबि मेचआ चेन्नाइनि एमए सिदाम्बरम स्टेडियमआव चेन्नाइ सुपर किंस आरो रयेल सेलेन्जार्स बेंगालुरुनि गेजे राव जागायजेनगोन। सिएसकेआ दासिमाव जायखि-जाया हान्जानि थाखाय गावसोरनि नख 'ररि फोथारआव फेजेन्तो थाखाय गोब्राब नाजाबोनादो। नाथाय आरसिबिनि गात्रिसिन रेकर्डखो गावसोरनि नख 'ररि फोथारवोनो नुनो मोन्नाय जायो। रयेल सेलेन्जार्स बेंगालुरुनि हान्जाया सेपक स्टेडियमआव दासिमाव गेलेनाय आइपिएलनि जारिमिनआव खेब 12 मेचआव खेब 5



देरहाबाय आरो खेब 7 मेचआव जेन्दो। एमए सिदाम्बरम स्टेडियमआव चेन्नाइ सुपर किंसनि हेँथायै रयेल सेलेन्जार्स बेंगालुरु हान्जानि रेकर्डखो गात्रिसिन नुनो मोनो। जेयव बेसोर मोनने हान्जानि गेजेराव गेलेनाय खेब 7 दाडा-बाजिआव आरसिबिआ खेबसेल' मेचआव देरहादो। बे देरहानायखो आरसिबिनि हान्जाया 2008 आव

थिसन्दोमोन। बै समनिक्रायनो आरसिबिआ बे फोथारआव चेन्नाइखो खेबसेबो फेजेन्तो हायाखै। बे समाव मोननेबो हान्जानि गेजेराव जोबथा मेचआ 2019 नि सिजनआव जालादोमोन। जेराव चेन्नाइनि हान्जाया 7 उक्केटजो देरहादो। आरसिबिआ 2021 आव बे स्टेडियमआव जोबथा खेब मेच गेलेनायाव कलकाता नाइटराइडार्स हान्जाखो 38

रानजो फेजेन्दोमोन। सिएसके आरो आरसिबिनि गेजेराव आइपिएलआव हेड टु हेड रेकर्डखो नोजोर होयोब्ला मोननेबो हान्जानि गेजेराव खेब 31 मेच गेलेनाय जाबाय। जायनि गेजेराव सिएसकेआ खेब 20 मेचआव देरहादो आरो आरसिबिआ खेब 10 मेचआव देरहानो हादो आरो गुबुन मोनसे मेचआ फिथाइ मोनो हायाखैमोन। बे फोथारव भिराट कहलीनि रेकर्डआबो मोजा नडा मानोना बिथाडा बेयाव गेलेनाय खेब 12 इनिंसआव 30.17 जौखोन्दोजो 362 रानल' लादोमोन। जायनि गेजेराव बिथाडा खेबनेल' हाफ सेन्सुरि रान लादोमोन।

गोदान दिल्ली, 19 मार्च: भारतनि हकी गेलेगिरि अरायजित सिंहनि बिबौ, बिफा आरो बिथानि साथाम बिदा-फं बायफोराबो हकीनि फोथारआव बिहोमा जगायबोदोब्लाबो रावबो भारतीय हान्जायाव जायगा आवग्रिनो हायाखैमोन। बेबादि थासारिआव अरायजितआ बिथानिमोननि सिमांखो आबु खालामनो थांगासिनो दड। बिथाडा पेरिस अलिम्पिकनि थाखाय भारतीय हान्जायाव जायगा आवग्रिनानै बिफानि सिमांखो जाफुहोनो नाजागोन। मोनसे खौरंगिरिनि सौथियाव अरायजितआ भारतीय हान्जायाव जायगा आवग्रियोब्ला नख 'ररि गेजेराव खुसिनि दोहो



लाबोमोननि खोथा होदोमोन। बे समाव बिथाडा नख 'ररि गासैबो सोद्रोमानि मोखाडव गोजेनाय लाबोनो लुबैनायखो फोरमायदो। अलिम्पिक थियारिनि थाखाय बिथाडा अस्ट्रेलियासिम दावबायनायनि सिमां भुबनेस्वरआव खुंजानाय माहारियारि बादायाव ड्रैग प्लिकार आरो स्ट्रइकार महरै बाहागो जादोमोन। बिथाडा सोलिफु बोसोरावनो खोला आफ्रिकासिम दावबायनाय भारतीय हान्जायावबो दडमोन। 20 बोसोर बैसोनि स्ट्रइकार हुन्डलआबो थानाय डिसेम्बर दानआव कुआलालामपुरआव जालानाय जुनियर वर्ल्ड कापआव करियानि हेँथायै खेबसे हेट्टिक गलजो बांसिन गल्ले सोदोमोन। बिथाडाबो खौरंगिरिनि सिगाडव नख 'ररि बयबो सोद्रोमानि गेजेराव गोजेनाय नायनो लुबैनायखो फोरमायनानै गावनि बिफाजो लोमोसे बिफानि बिदा-फं बाय गासैखोबो माहारियारि लेभेलनि हकी गेलेगिरि फोरमायो।

लोमोसे गासैबो नख 'ररि सोद्रोमानि हकी गेलेगिरिफोरखो हकीनि गेजेरजोना साखि मोन्नायखो फोरमायो। अस्ताबो बिथानिमोननि भारतीय हान्जायाव जायगा मोनैखो फोरमायो। अरायजितआ सिनियर लेभेलआव गेलेनायनि सोमोन्दै हकीनि फोथारआव जुनियर आलो सिनियर लेभेलनि गेजेराव जर'खा फाराग थानायखो फोरमायदो। 3 बोसोरसिम जुनियर हकीआव गेलेनायखो फोरमायनानै बिथाडा बे समाव खेबने वर्ल्ड काप देरहानायखो मिथिहोयो। थानाय वर्ल्ड कापआव गावनि दिन्थिफुनायजो सिनियर हान्जायाव गावनि सायख'जानायखो फोरमायनानै बेनि उनाव खोला आफ्रिका आरो भारतआव जालानाय एफआइएस प्र: लीगआव नेडारलेण्ड आरो अस्ट्रेलिया बायदि गोखो हान्जाजो बादायनो खाबु मोन्नायखो फोरमायो। बेजो लोमोसे सिनियर केरियारआव जागायजेन्नयनिफायनो

अलिम्पिकनि थियारिनि थाखाय बादायाव बाहागो जानो मोन्नायखो खाफाल गोना फोरमायो। राउरके लायाव नेडारलेण्डनि हेँथायै पेनाल्टिनि शुटआउटआव गल सोनाय बिथानि फं बाय हुन्डलआबो जेनानि फार्से सानालासे गावयारि फोथायनायजो दिन्थिफुनायखो फोरमायो। बे समाव बिथाडा फोथारव बेरेखा हान्जानिक्राय सेलेन्ज मोन्नायखो फोरमायो। बिथाडा हान्जानि गेजेराव जुनियर आरो सिनियर गेलेगिरिफोरनि गेजेराव जुथायै सुद्रायनायनि खाबु मोन्नायखो फोरमायदो। लोमोसे बेनिक्राय साबसिनै थियारि जानायनि खाबु मोन्नायखो मिथिहोयो। मख 'नो गोनादि, हकीनि अनगायै क्रिकेटनि फार्सेबो हुन्डलआ जर'खा मोजा मोन्नाय दड। बिथाडा भिराट कहलीखो गावनि आइकन मानियो आरो बिथानिक्राय सोलोनांगो बाथाफोरखो सोलोनांगे लायो होन्ना मिथिहोदो।

आइपिएल 2024 आव सानराइजार्स हाइद्राबाद आरो पेट कमिन्सनि जेनाया बांसिननो हमदो

गोदान दिल्ली, 19 मार्च: आइपिएल 2024 नि थाखाय हान्जाफोरनि थियारि जानाया जोबथा बुब्लियाव सौहेबाय। बे लीगनि गिबि मेचआ फैगो 22 मार्चआव जागायगोन। जेयव सिगांनि सानथामसिमआव गासैबो मोन 10 हान्जाफोरा गावसोरनि खेबसे मेचफोरखो गेलेजोबगोन। गिबि सानआव खेबसेल' मेच जागोन। नाथाय उननि सानआव खेबनैयै मेच जागोन। बेनि थाखायनो हान्जाफोरा गावसोरनि थियारिखो गोव्रोसिन खालामगासिनो दड। अस्ताबो गेलेगिरिफोरनि जेनाया हान्जानि गेजेराव जेनानि जाहोन जानानै फैगासिनो दड। आथिखालाव सानराइजार्स

हाइद्राबादनिक्राय मोनसे जेनाया सोराडव फेदो। जायनि सायाव हान्जाया माखासे जेनाजो समखो बारहोनांनो हागो। श्रीलंकानि गेलेगिरि वाविन्दु हसारागा आस्ट्रे क्रिकेटनिफ्राय गावनि आजिराखो फोसावबाय। बिथाडा 2023 आव आस्ट्रे क्रिकेटनिफ्राय आजिरा लागोनखो फोसावदोमोन। नाथाय बे खेबआव बिथाडा हरखाबे गावनि आजिराखो फोसावबाय। बिथाखो श्रीलंका आरो बांलादेशनि गेजेराव जानो गोनां टेस्ट सिरिजनि थाखायबो हान्जायाव सोफानाय जादो। नाथाय मख 'नो गोनां बाथ्राया बेसोदि, बे टेस्ट सिरिजआ फैगो 22 मार्चनिफ्रायनो जागायगोन। जायनि थाखाय आइपिएलआव



बिथानि बाहागो जागोनआ सन्देहआव थाहैयो। टेस्ट सिरिज आरो खेबने मेचफोर गेलेनायनि थाखाय बिथाडा आइपिएलआव बाहागो जानो हानाय नडाबो जानो हागो। थामहिनबा बिथाडा बे सिरिजनि थाखाय 10-12 सानसिम आइपिएलआव हान्जाजो बाहागो जानो हानाय नड। श्रीलंका आरो बांलादेशनि

हान्जाया गुजराट टाइटन्सनि बेरेखायाव गेलेगोन। 5 एप्रिलआव हाइद्राबादआ सिएसके जो मोगा-मोगि जालायगोन। थामहिनबा बे खेबबै मेचआव बिथाडा आइपिएलनि सोलायै टेस्ट सिरिजआव गावनि समखो बारहोगोन। हसरागा सिगांनि समाव आरसिबिजो लोमोसे माखासेहान्जाफोरव आइपिएल मेच गेलेखांबाय। बेनि उनाव निलामआव बिथाखो एसआरइएसआ 1.5 कौटि राडाव हान्जाजो बाहागो खालामदो। नाथाय बिथानि सिडिउल्डआ आथिखालाव हाइद्राबाद हान्जानि थाखाय जेनानि जाउन जानानै दड।

गोदान दिल्ली, 19 मार्च: लियनेल मेसिआ मावख 'यारि महरै जुथाय राइज्यो आमेरिकायाव गेलेनो गोनां एल सालभादर आरो कस्टारिकानि हेँथायै गेलेनो गोनां लोमोयारि मेचनिफ्राय जायखारबाय। आर्जेन्टिना फुटबल एस 'सिएसनआ मेसिनि हेमस्ट्रुं आव जोखोम मोन्नायखो फोरमायनानै बे जाहोननि थाखायनो बादायनो गोनां खेबनै मेचनिफ्राय जानगारआव लाखिनायखो फोरमायदो। खेब 8 बेलन-डि-अर बान्था देरहानाय मेसिआ फिलाडेलफियाआव एस सालभादरनि हेँथायै जानो गोनां आमरिकाया जोबथा खेब वर्ल्ड काप खुंफुनाय समाव मोन 24 हान्जाफोराल' बाहागो जादोमोन। 1998 वर्ल्ड कापनिफ्रायसो मोन 32 हान्जाफोरा वर्ल्ड कापआव बाहागो लाबोदो। नाथाय 2026 वर्ल्ड कापआव फाइनालिस्टफोरा गासै खेब 8 मेचफोर गेलेनो खाबु मोनगोन।

लोमोयारि मेचनि सिगांनो आर्जेन्टिनाआ जेनायाव गोव्लैदो

गोदान दिल्ली, 19 मार्च: भारतनि स्टार जेभलिन खुबैरा निरज चप्राआ पाकिस्ताननि बादायारि अरशद नदिमनि गोदान जेभलिन मोनो थाखाय जुजिगासिनो थानानाय थासारिनि सायाव गोमोनाय मोन्दो। पाकिस्ताननि जेभलिन खुबैरा नदिमआ कमनवेल्थ गेम्स 2022 आव 90.18 मिटार जान्थाय खुबैरानै सनानि मेडेल देरहादोमोन। बिथाडा 2018 आव जालानाय जाकार्ता एसियान गेम्सआव ब्रन्ज मेडेल देरहादोमोन। जेराव निरज चप्राआ सनानि मेडेल देरहानो हादोमोन। अलिम्पिक आरो वर्ल्ड सेम्पियन निरज चप्राआ फोथारआव नदिमनि गोब्राब सेलेन्जार जानानै दड। मानोना बिसोर सानैआ जुथायै गोव्लैयोब्ला गोखो सेलेन्ज होज्जायो। अस्ताबो बिसोर सानैआ बाइजोआव मोजा लोमोनो सोमोन्दो दज्जायो। चप्राआ खौरंगिरिनि सौथियाव बिथानि बेबादि जेनायाव



आमेरिका नि थाखाय आर्जेन्टिनानि थियारिआव वार्मआप मेच महरै बिहोमा होगोन। सोलिफु बोसोराव जुथाय राइज्यो आमेरिकायावबो कपा आमेरिका नि मेच गेलेनाय जागोन। जायनि थाखाय आर्जेन्टिनानि हान्जाया बिथानि जोखोमआव दुखु मोन्नाय फोरमायदो। मेसिआ थानाय शनिबारखालि डिस् इन्नाइटेडनि हेँथायै मियामीनि जेनायानै लानादोमोन। आर्जेन्टिना जुथाय आफादआ ससेल मिडिया प्ले टफर्म एक्सआव मेसिनि जोखोमआव

मेचनि हाफ समनि उनावनो बिथांखो रिप्लेसमेन खालामनाय जागोन आरो शनिबारखालि वाशिंगटनआव डिस् इन्नाइटेडनि हेँथायै बिथाडा मियामीनि जानानै गेलेयाखैमोन। बिथानि बाहागो जायैआव बारसिल 'नानि बारा' स्ट्राइकार लुइस सुआरेजआ मियामीखो गरनै गल सोनायजो देरहादोदोमोन। मियामीनि कच गेराड मार्टिनिआ वाशिंगटनि सायाव गावनि हान्जानि देरहानायनि उनावनो मेसिनि मार्च दानआव गेजेर हायुडारि मेचनिफ्राय जानगारआव थागोनखो इसरा होदोमोन। लोमोसे फे गी दाननि कन्काकाफ सेम्पियन्स कापनि क्वाटार फाइनालनि सिगां बिथानि फीटआव फे फिनगोनखो मिजिंथि लादो। बे समाव मार्टिनिआ मेसिनि बे समसिमआव फीट जाहैगोननि सायावबो सन्देह गोनां फोरमायदोमोन।

निरज चप्राआ नदिमनि फार्से गावनि अन्नायखो होदो

गोदान दिल्ली, 19 मार्च: भारतनि स्टार जेभलिन खुबैरा निरज चप्राआ पाकिस्ताननि बादायारि अरशद नदिमनि गोदान जेभलिन मोनो थाखाय जुजिगासिनो थानानाय थासारिनि सायाव गोमोनाय मोन्दो। पाकिस्ताननि जेभलिन खुबैरा नदिमआ कमनवेल्थ गेम्स 2022 आव 90.18 मिटार जान्थाय खुबैरानै सनानि मेडेल देरहादोमोन। बिथाडा 2018 आव जालानाय जाकार्ता एसियान गेम्सआव ब्रन्ज मेडेल देरहादोमोन। जेराव निरज चप्राआ सनानि मेडेल देरहानो हादोमोन। अलिम्पिक आरो वर्ल्ड सेम्पियन निरज चप्राआ फोथारआव नदिमनि गोब्राब सेलेन्जार जानानै दड। मानोना बिसोर सानैआ जुथायै गोव्लैयोब्ला गोखो सेलेन्ज होज्जायो। अस्ताबो बिसोर सानैआ बाइजोआव मोजा लोमोनो सोमोन्दो दज्जायो। चप्राआ खौरंगिरिनि सौथियाव बिथानि बेबादि जेनायाव



गोव्लैनायखो खोनानानै गावनि गोमोनाय मोन्नायखो फोरमायो। नदिमआ फोरमायनाय बादिब्ला, बिथाडा जेभलिन गोदान मोनो थाखायनो थानाय गोलाव समनिक्रायनो जुजिगासिनो दड। चप्राआ बे समाव बिथानि थाखाय पाकिस्तान सरकारनिफ्राय मदद मोनोगीनि दाबि दैखादोमोन।

गोदान दिल्ली, 19 मार्च: मुलुगनाडरि फुटबल फसंधान फिफाआ 2026 आव खुंजानो गोनां वर्ल्ड कापआव गासै खेब 104 मेचफोर गेलेनाय जागोनखो सिगांनि समावनो रोखा खालामखांबाय। फिफानि बादिब्ला, वर्ल्ड काप 2026 आव गासै मोन 48 हान्जाफोरा बादायगोन। दोरोडरि महरै फिफाआ वर्ल्ड कापआव गासै खेब 64 मेचफोर खुंफुडोमोन। नाथाय हान्जाफोर बांनयानि थाखाय बे खेबआव मेचनि अन्जिमाखो बारयनाय जादो। फिफाआ 2026 वर्ल्ड कापखो जुथाय राइज्यो आमेरिका, कानाडा आरो मेक्सिक 'आव खुंफुगोन। मख 'नो गोनादि, फिफा कापआव गिबि खेब मोन 48 हान्जाफोरा सेलेन्जआव आंखारगोन। जायनि सायाव फिफाआ माखासे जाहोनफोर एबा नेमखान्थिखो मानिनायनि थाखाय आफादफोरनिफ्राय गोखो थांखि लानायखो फोरमायो। फिफा

फिफा 2026 आव मोन 48 हान्जाफोरा बादायनो मोनगोन



दुनांमेन्टआव टप-2 हान्जा आरो टप-8 साबसिन थामथि थाखोआव थानाय हान्जाफोरा राउन्ड अफ 32 सिम सौहेगोन। खौरंगिरिनि जथुमआव फिफाआ गेलेगिरिफोरनि अन्सायजानाय हान्जाफोरनि दावबायनाय आरो फालांगियारि सेक्टरजो लोमोसे अन्सायगिरिफोरनि सायाव नोजोरथि लाखिनानै बयनिबो गोरोबनायखो नोजोर होनानै फिफा वर्ल्ड काप 2026 खो मोन 16 हान्जाफोरनि गुबै मोनथाम हान्जानिक्राय मोनब्रै हान्जानि मोन 12 हान्जा खालामगोनखो फोरमायदो। लोमोसे टप-2 हान्जा आरो टप-8 साबसिन थाखोआव थानाय हान्जाफोरखो राउन्ड अफ 32 आव बादायलायगोननि सायाव रोखा खालामदो। बे समाव फिफाआ फोरमायनाय बादिब्ला, मेचआव सोलायनाय फर्मेटजो गात्रि गोहोमफोरखो बोखारनो हागोनखो मिजिंथिदो। मख 'नो गोनादि, थानाय बोसोराव फिफा वर्ल्ड कापआ काठारआव जाफुसारे खुंजादोमोन, जेराव मोन 32 हान्जाफोरा बाहागो जादोमोन। आमरिकाया जोबथा खेब वर्ल्ड काप खुंफुनाय समाव मोन 24 हान्जाफोराल' बाहागो जादोमोन। 1998 वर्ल्ड कापनिफ्रायसो मोन 32 हान्जाफोरा वर्ल्ड कापआव बाहागो लाबोदो। नाथाय 2026 वर्ल्ड कापआव फाइनालिस्टफोरा गासै खेब 8 मेचफोर गेलेनो खाबु मोनगोन।

रिहत शर्माआ मुम्बाइ इन्डियान्सनि केप्टेन सायख'नायाव गोजोन्दो

गोदान दिल्ली, 19 मार्च: आइपिएल 2024 नि सिगां मुम्बाइ इन्डियान्सनि हान्जाया रिहत शर्मानि जायगायाव हार्दिक पन्डियाखो केप्टेन सायख'बाय। रिहतआ केप्टेन जानाय समाव मुम्बाइनि हान्जाया खेब 5 आइपिएल ट्रफो देरहाबाय। बावैसो भारतनि हान्जाया रिहत शर्मानि केप्टेनआव इंग्लेण्डनि हेँथायै टेस्ट सिरिजखो 4-1 फारागआव देरहादोमोन। केप्टेन बिबाननिक्राय बोखारजानायनि उनाव रिहतआ थानाय 18 मार्चखालि मुम्बाइ इन्डियान्सनि बादायाव जइन्ट जाबाय। जायनि उनाव बिथांखो



भिडिआव मोनसे हाबा मावनाय नुनो मोन्दो। मुम्बाइनि हान्जाया शेयार खालामनाय बे भिडिआ क्लिपआव बिथांखो नेटआव प्रेक्टिस खालामनाय नुनो मोन्दो। बे समाव बिथांखो बेटि खालामनायबो नुनो मोन्दो। रिहतआ सरासन्दायै गोखो बेटसमेन महरै

बिथाडा लं 6 रान लानायनि थाखाय आर्जिबाय। रिहत शर्माआ 2008 निफ्राय आइपिएलआव बाहागो जानानै दड। बिथाडा आइपिएलआवबो गोबां खेब सेन्सुरि लाबाय। रिहतआ दासिमाव गेलेनाय आइपिएलनि खेब 243 मेचफोराव 6211 रान लाबाय। जायनि गेजेराव खेब 42 सेन्सुरि रानआ दड। बेनि अनगायैबो आइपिएलआव बिथानि स्ट्राइक टेरा 130.05 आव थाहैयो। आइपिएल 2019 आव बिथाडा डेक्कान चार्जसनिफ्रायनो बिमू देरहादोमोन।

रिहत शर्माआ 2008 निफ्राय आइपिएलआव बाहागो जानानै दड। बिथाडा आइपिएलआवबो गोबां खेब सेन्सुरि लाबाय। रिहतआ दासिमाव गेलेनाय आइपिएलनि खेब 243 मेचफोराव 6211 रान लाबाय। जायनि गेजेराव खेब 42 सेन्सुरि रानआ दड। बेनि अनगायैबो आइपिएलआव बिथानि स्ट्राइक टेरा 130.05 आव थाहैयो। आइपिएल 2019 आव बिथाडा डेक्कान चार्जसनिफ्रायनो बिमू देरहादोमोन।